

萬 有 文 庫

第一集一千種

王雲五主編

宋十六名家詞

(七)

毛晉編

商務印書館發行

宋十六名家詞

(七)

毛晉編

國學基本叢書

題坦菴詞

寫風景體狀物態俱極精巧初

詞古詩流也吟咏情性莫工於不知得之、易以至得趣忘憂

詞臨淄六一當代文伯其樂府樂天知命茲又情性之自然也

猶有憐景泥情之偏豈情之所因為編次俾鑿諸木觀者當自

鍾不能自己於言耶坦菴先生識其胸次云門人尹覺先之敘

金閨之彥性天夷曠吐而為文

如泉出不擇地連收兩科如俯

拾芥詞章迺其餘事人見其摸

坦菴詞

目錄

萬年歡 一調

水調歌頭 八調

滿江紅 五調

沁園春 二調

醉江月 七調

促拍滿路花 二調

永遇樂 三調

風入松 一調

鳳皇閣 一調

蝶戀花 八調

鷓鴣天 七調

柳梢青 十調

浣溪沙 六調

菩薩蠻 十三調

好事近 二調

醉蓬萊 一調

漢宮春 一調

廳前柳 二調

訴衷情 四調

一翦梅 二調

朝中措 六調

點絳脣 三調

撲蝴蝶 一調

醉桃源 三調

賀聖朝 一調

踏莎行 二調

憶秦娥 一調

武陵春 二調

清平樂 三調

鵲橋仙 四調

謁金門 七調

東坡引 三調

生查子 五調

少年遊 二調

小重山 一調

霜天曉角 二調

江南好 一調

關河令 二調

採桑子 二調

浪淘沙 三調

雙頭蓮令 一調

畫堂春 一調

南柯子 一調

西江月 二調

洞仙歌 一調

南鄉子 一調

行香子 一調

卜算子 五調

伊州三臺 一調

坦菴詞目錄 終

坦菴詞

宋 趙師使

萬年歡

電繞神樞華渚流虹誕彌良用佳辰萬寓謳歌
歸舞寶曆增新四七年間盛事皇威暢邊鄙無
塵仁恩被華夏咸安太平極治懽聲 重華道
隆德茂亘古今帝有揖遜重開聖子三宮歡聚
兩世慈親幸際千秋聖旦霑鑄宴普率惟均封
人祝億萬斯年壽皇尊竝高真

水調歌頭

趙師使
王公剛

金鼎調元手玉殿渙恩華宣威對道曾見千騎
擁高牙憑仗元樞籌略寬我宸旒西顧惠澤被
幽遐為憶江城好南浦曠仙槎 格天心膺帝
眷極褒嘉琳宮香火緣在還近玉皇家霖雨久
思賢佐看卽聲傳丹禁喚仗聽宣麻袞繡公歸
去宰路築堤沙

又 卷野亭
送別

江亭送行客腸斷木蘭舟水高風快滿目煙樹
織成愁吶軋數聲柔櫓拍塞一懷離恨指顧隔
汀洲獨立滄茫外欲去強遲留 海山長雲水
濶思難收小亭深院歌笑不忍記同游唯有當
時明月千里有情還莫後會尚悠悠此恨無重
數和淚付東流

又 笑即信
豐送林

韶華能幾許節物歎推移羣花競芳爭豔無奈
隙駒馳紅紫隨風何處唯有搏枝新綠暗逐雨
催肥喬木罌初轉深院燕交飛 漸清和微扇
暑日遲遲新荷泛水搖漾萍藻弄晴漪百歲光
陰難挽一笑歡娛易失莫惜酒盈卮無計畱連
住還是送春歸

又 萬穠煙
雨觀

江流清淺外山色有無中平田坡岬廻曲一目

望難窮波面輕鷗容與沙際野航橫渡不信画
圖工路入神仙宅翠鎖梵王宮 俯晴郊增勝
槩氣橫空雲林城市層列知有幾重重夏上危
亭高處從倚欄干虛敞象緯逼璇穹要盡無邊

景煙雨看空濛

又 戊申春陵用舊韵賦
二詞呈族守慈遠

人生如寄耳世態逐時移浮名薄利能幾方寸
設交馳龐足生涯隨分到眼風光可樂終不羨
輕肥有志但長嘆無路且早飛 恨年華何去
速又來遲綠陰濃映池沼穀浪皺風漪轉午鷲
聲睨睨滾地楊花飄蕩愛景惜芳卮此意誰能
解一笑任春歸

又

心景兩無著情物豈能移超然遠覽失笑名利
苦紛馳一品官資榮顯百萬金珠豪富空自喜
家肥會得個中理川湧與雲飛 靜中樂閣中

趣自舒遲心如止水無風無自夏生漪已是都
忘人我一任吾身醒醉有酒引連卮萬法無差
別融解卽同歸

又 和石
林韵

世態萬紛變人事一何忙胸中素韜奇蘊匣劍
豈能藏不向燕然紀績復與漁樵爭席擺脫是
非鄉要地時難得閒處日偏長 志橫秋謀奪
衆謾軒昂蠅頭蝸角微利爭較一毫芒幸有喬
林脩竹隨分粗衣糲食何必計冠裳我已樂蕭
散誰與共平章

又 丁巳長沙
壽王樞使

台星明翼軫和氣滿瀟湘長懷勝處地靈應產
股肱良共仰三朝元老要識一時英傑人物自
堂堂直氣薄霄漢德望聳巖廊 擁貔貅森榮
戟鎮藩方折衝樽俎春融花柳倚壺觴兩世麟
符玉節九穗恩風惠雨仁者壽宜長鳳詔來丹

闕繡袞觀明光

滿江紅 甲午豫章
和李思永

渺渺春江迷望眼蒲萄漲綠春過也瀟疎庭戶
寂寥心目念遠不禁啼鳩闌愁多易遣倚蛾感
向小窗時把綵牋看翻新曲 晴畫水便新浴
相思淚不成哭空無言顚顚暗銷肌玉目斷碧
雲無信息試憑青翼飛南北聽掀簾疑是故人
來風敲竹

又 辛丑赴信豐
舟行贛石中

煙浪連天寒尚峭空濛細雨春去也紅銷芳徑
綠肥江樹山色雲籠迷遠近灘聲水滿忘艸阻
挂片飄掠呀晚風輕停煙渚 浮世事皆如計
名利役驚時序歎清剛寒食小舟為旅露宿風
飡安所賦石泉榴火知何處動歸心猶賴翠煙
中無杜宇

又 壬子秋社前
中賦桃花

露冷天高秋氣爽千林葉落驚初見小桃枝上

盛開紅萼淺淡胭脂經雨洗剪裁碼礪如雲薄

問素商何事闌春工施丹腹 芙蓉苑顏如灼

會暗與花王約要棄秋名字竝傳京雒回首瑤

池高宴處桂花香裏驂高鶻但莫教容易逐西

風輕飄却

又 丙辰中秋定王臺
即席餞高次律

涼入三湘秋氣爽江澄沙白人欲去離愁黯黯

莫留行色盃枉中朝陪鷓鴣暫來南楚分風月

與元樞鸚鵡莫扶搖朝天闕 皇華使和戎策

西府贊中興茶有緇衣同美武公勛烈檣燕已

知添別意驪駒誰為歌新闕恨此情如月過中

秋圓還缺

又 丁巳和諸時
九宜送春

去去春光留不住情懷索莫那堪是日長人困

雨餘寒薄葉底青青梅勝豆枝頭顆顆花畱萼

歎流年空有惜春心
憑春酌 歌笑酒誰耐
醉非與是忘今昨
且隨時隨分強歡
尋樂世事燕鴻南北
去人生鳥兔東西落
問故園不負送春
期明年約

沁園春

和伍子嚴 遊暑二首

雨接梅霖風祛槐暑
麥天已秋正榴燃紅
炬枝頭色豔荷翻綠
蓋池面香浮心景俱
清身名何有且向忙
中早轉頭塵勞事枉
朝思夕計細慮深謀
悠悠不復徵求但安
分隨緣休便休縱官
居極品徒為美玩家
稱鉅富未免閑愁遇
酒開顏逢歡樂意有
似木人騎土牛從他
笑看一朝解悟八極
遨遊

又

羊角飄塵金烏爍石
雨涼念秋有虛堂臨
水披襟散髮紗幮霧
卷湘簾波浮遠列雲
峰近參荷氣臥看文
書琴枕頭蟬聲寂向
莊周夢裏栩栩

無謀 茶甌醒困堪求
飽飯安居可以休算
脩閒靜勝吾能自樂
榮華紛擾人謾多愁
習懶非癡覺迷是病
一力那能勝九牛但
休問且追尋鴈詠知
友從游

醉江月

題趙文炳枕屏

枕山平遠記當年小
閣牙床曾展圍幅高
深春書水寂寂重簾
不卷權幃西湖人婦
南陌酒暈紅生臉困
來無那玉肌小倚嬌
軟堪恨身在天涯曲
屏環枕此意何由山
見想像高唐無夢到
獨擁閒衾展轉物是
人非山長水闊觸處
思量徧愁遮不斷夜
闌依舊斜掩

又

丙午 櫻川

飄流踪跡趁春來
還趁春光歸去九十
韶華能幾許著意留
他不住趙柳催花摧
紅長翠多少風和雨
蜂閒蝶怨盡憑枝上
鶯語 歸櫂去去難
留桃花浪煖綠漲迷
津浦回首重城天樣
遠

人在重城深處惜別愁分凝暗有淚總寄陽關
句不堪腸斷恨隨江水東注

又乙未白蓮
詩延對

斜風疎雨正無聊情緒天涯寒食煙重雲嬌春
爛熳却得輕寒邀勒柳褪鴉黃池添鴨綠桃杏
渾狼藉亂山深處尙畱些子春色 海燕未便
歸來踏青鬪草誰與同尋覓杜宇多情芳樹裏
只管聲聲歷歷似勸行人不如及早作箇歸消
息休教腸斷夢魂空費思憶

又乙未中元白
詞州過白蓮

曉風清暑映湖光如練山光如染十里荷花香
滿路飛蓋斜欹粧面一葉扁舟數聲柔橈晚覺
紅塵遠六橋三塔恍然圖畫中見 因念當日
三賢兩山佳處應也經行遍珠月吟風無限句
景物隨人俱顯賀監風流玄真清致我亦情非
淺漁蓑投老利名何用深羨

又信靈園
詞

化工何意向天涯海嶠有花清絕縞袂綠裳無
俗韻不畏炎荒煩熱玉骨無塵水姿有豔雅淡
天然別真香冶態未饒紅紫春色 底事口落
江南水仙兄弟端自難優劣瘴雨蠻煙魂夢遠
寧識溪橋霜雪薜蘿同芳素馨爲伴百和清芬
蕤淒然風露夜涼香泛明月

又信靈園
詞

平生奇觀愛登高臨遠尋幽選勝欲上層巖窮
望眼一半崎嶇危徑萬瓦鱗鱗四山簇簇咫尺
疎林映山川城郭恍然多少清興 殘照斜欹
餘紅橫陳平遠一抹輕煙暝何處飛來雙白鷺
點破遙空澄瑩鶴嶺雲平龍江波渺不羨瀟湘
詠襟懷舒曠曲欄倚了還凭

又信靈園
詞

韶華婉婉正和風遲日暄妍清晝紫燕黃鸝爭

巧語催老芬芳花柳灼灼花王盈盈嬌豔獨殿

春光後鶻翎初拆露霑香沁珠漚 遙想京洛

風流姚黃魏紫間綠如鋪繡小蓋低回離檻曲

車馬紛馳園囿天雨曼珠玉繁金束占得聲名

久畱連朝莫賞心不厭芳酒

促拍滿路花 信豐黃師尹跳珠亭

栽花春爛熳疊石翠嶠屹小亭相對倚數峰寒

主人尋勝接竹引清泉擊破蒼苔地一掬泓澄

六花疑是深淵 山前六花小池 向閉中百慮翛然情

事寄鳴絃爐香陪茗椀可忘言噴珠濺雪歷歷

聽潺湲塵世知何計不老朱顏靜看日月跳丸

又 瑞蔭亭贈錦屏苗道人

連枝蟠古木瑞蔭映晴空桃江上景古今同

忙中取靜心地儘從容掃盡荆榛蔽結屋誅茆

道人一段家風 任鳥飛兔走凶凶世事亦何

窮官閒民不擾夏年豐簞瓢雲水時與話西東

眞樂誰能識兀坐忘言浩然天地之中

永遇樂 重明節

金昊行秋季商回律天氣佳處瑞應皇家祥開

聖旦寶曆綿基祚瑶池人祝鈞天樂奏湛露宴

均寰宇萬花覆千官盡醉盛事頓超今古 中

興天統四三傳序揖遜自歸明主黃屋非心蘿

圖有永還付當今主希夷高蹈壽康長保五世

祖孫懽聚尊之至千秋令節萬年聖父

又 甲午走葉和岳太出梅詞韻

秋滿衡阜淡雲籠月晚來風勁一抹殘霞數聲

過雁還是黃昏近憑高臨遠倚樓凝睇多少斷

愁幽興聽漁村鳴榔隱隱別浦暮煙收暝 湘

妃起舞芳蘭初佩約略亂峰雲鬢景物悲涼楚

天澄淡過盡歸颿影斜陽低處遠山重疊蕭樹

亂鴉成陣空無言欄干凭喚悶懷似困

又 爲廬山文家金林繪賦

日麗風暄暗催春去春尚畱戀香褪花梢苔侵
柳徑密幄清陰展海棠零亂梨花淡矜初聽鬧
空鷲燕有輕盈妍姿靚態緩步闌風仙苑綠
叢紅萼芳鮮柔媚約略試粧深淺細葉來禽長
梢戲蝶簇簇枝頭見駝顏鬢髮春愁無力困倚
画屏嬌軟只應怕風欺雨橫落紅萬點

風入松

戊申浚縣衙
永舟泛瀟湘

溪山佳處是湘中今古言同平林遠岫渾如画
夏漁村返照斜紅兩岬荻風策策一江秋水溶
溶蒼崕石壁景尤雄人自西東利名汨沒黃
塵裏又那知清勝無窮何日輕舸篔簹持竿獨
釣西風

鳳凰閣

已酉歸舟
衡陽作

正薰風初扇梅黃暑溽並搖雙槳去程速那更
黃流浩淼白浪如屋動歸息離愁萬斛平生
奇觀頗快江山寓目日斜雲定晚風熟白鷺飛

來點破一川明綠展十幅瀟湘画軸

蝶戀花

戊戌和
韻商秀

柳眼窺春春漸吐又是東風搖曳黃金樹宜入
新春聞好語一犁處處催畊雨未有花鬚金
縷縷醉夢悠颺似蝶翩躚舞一枕仙遊何處去
覺來依舊江南住

又

己亥同常監游漢
陽洞題肯堂壁

春到園林能幾許昨夜疎疎過却催花雨暝日
晴嵐原上路雕鞍暫繫芳菲樹仙洞同遊皆
勝侶飜憶年時醉裏曾尋句要與龍江春作主
翩然又赴東風去

又

癸卯信豐
賦芙蓉

剪剪西風催碧樹亂菊殘荷節物驚秋算綠葉
紅苞迎曉露錦屏繡幄圍芳圃塵世鸞駮那
肯駐尚憶層城仙苑飛瓊侶能共牡丹爭幾許
惜花對景聊爲主

又道中百辨
二色菊花

百疊霜羅香蕊細
嫋嫋垂鈴綴簇黃金碎
獨占九秋風露裏
芳心不與羣花比
采采東籬今古意
秀色堪餐更惹蘭膏膩
不用南山橫紫翠
悠然消得因花醉

又臨安通
中賦梅

剪水凌虛飛雪片
認得清香雪樹深深見
傳粉凝酥
明玉豔合章簷下春風面
照影溪橋情不淺
羌管聲中疊恨傳
幽怨隴首人
歸芳信斷萬重雲水江南遠

又戊申
秋夜

夜雨鳴簷聲
錄軟薄酒澆愁不那更籌促
感舊傷今難舉目
無聊獨剪西窗燭
彈指光陰如電速
富貴功名本自無心逐
糲食籠衣隨分足
此身安健他何欲

又丙辰
嫣然
賞海棠

春入園林新雨過
次第芳菲惹起情無那
蜀錦青紅初剪破
枝頭點點胭脂顆
柳帶隨風金嫩娜
隱映餘霞燦燦紅
雲墮高燭夜寒光照坐
只愁沉醉誰扶我

又用宜笑
之語作

解語花枝嬌柔
不為傷春愛把肩峰鎖
宜笑精神偏一個
微渦媚靨櫻桃破
先自腰肢常嫩娜
更被新來酒飲頻
過火茶飲不權猶自可
臉兒瘦得萱娘大

鷓鴣天
壬辰豫章
惠月佛閣

煙靄空濛江上春
夕陽芳草渡頭情
飛紅已逐東風遠
嫩綠還因夜雨深
情脉脉思沉沉
捲簾愁與暮雲平
關千倚徧東西曲
柱宇一聲腸斷人

又豫章
大闕

玉帶紅花僕奉班
裏頭新樣總宜男
鬧裝鞍轡

青驄馬帖體衣裳紫窄衫 雲鬢重黛眉彎內
家粧束冠江南輕裘緩帶風流帥錦繡鼓花擁
騎還

又揖翠
晚望

榕葉陰陰未著霜淺寒猶試夾衣裳霧濃煙重
遙山暗雲淡天低去水長 風浙瀝景淒涼亂
鷓聲裏又斜陽孤颿落處驚鷗鷺飛映書空雁

字行

又七
夕

一葉驚秋風露清砌蛩初聽傷窗聲人逢役謁
飛鳥夜橋渡牽牛織女星 銀漢淡葦雲輕新
蟾斜挂一鈎明人間天上佳期處涼意還從過

雨生

又湘江舟中
應叔索賦

風定江流似鏡平斜陽天外挂微明雲歸遠岫
千山曉霧映疎林一抹橫 漁火細鈞絲輕黃

塵撲撲設爭榮何時了却人間事泛宅浮家過
此生

又贈妙
惠

妙曲清聲壓楚城蕙心蘭態見柔情凌波穩榭
金蓮步薰甲從教玉笋斟 歌緩緩笑吟吟向
人真處可憐生仙源幸有藏春處何事乘風逐
世塵

又丁巳
除夕

爆竹聲中歲又除頓回和氣滿寰區春風解綠
江南樹不與人間染白鬚 殘蠟燭舊桃符寧
辭末後飲屠蘇婦歎幸有園林勝次第花開可
自娛

柳梢青
祭戶
立春

節物推移青陽景變玉琯灰飛綠仗泥牛星毳
雪柳爭報春回 絲金縷玉蟠兒夏斜裏東風
應時宜入新春人隨春好春與人宜

又茶蘼屏

紅紫凋零化工特地剪玉裁瓊碧葉鼓芳檀心
點素香雪團英柔風喚起娉婷似無力斜欹
翠屏細細吹香盈盈浥露花裏傾城

又和趙顯祖

漠漠輕陰養花天氣乍暗還明曲徑風微蜂迷
紅片蝶趁游人平蕪極目青青謾悵望誰招
斷魂柳外愁聞鶯雛喚友鳩婦呼晴

又黃極林送李梓伯

料峭餘寒元宵欲過燈火關珊宿酒難醒新愁
未解搖兀吟鞍深林百舌關關夏雨洗桃紅
未乾野燒痕青荒陂水滿春事何堪

又富陽江亭

煙歛雲收夕陽斜照暮色遲留天接波光水涵
山影都在扁舟虛名白盡人頭問來往何時
是休潮落潮生吳山越嶺依舊臨流

又聚八仙花

人間春足一番紅紫水流風逐戲蝶初閒輕搖
粉翅高低飛撲雨昏煙暝增明似積雪枝間
映綠后土瓊芳蓬萊仙伴盡紛香粟

又邵武熙春臺席上呈修可叔

矯首遐觀崇臺徙倚心目俱寬一水縈藍羣峰
聳翠天接高寒平生江北江南總未識欄中
好山雨暗前汀雲生衣袂身勍躋攀

又王子前陽壺山閣

暑懷煩鬱危欄徙倚凝情獨立榕葉連陰橫岡
接秀壺峰凝碧海山雲樹微茫夏無數歸颿
算集却憶瀟湘孤村煙渚晚風斜日

又繼止月下賞蓮

水滿方塘菰蒲深處戲浴鴛鴦燦錦舒霞紅幢
綠蓋時通幽香天弓搖挂孤光映煙樹雲間
渺茫散髮披襟都忘身世真在仙鄉

又和張伯壽
紫笑詞

濃碧樽枝柔黃襯紫獨殿春風茵茵輕盈甘瓜
馥郁葉萼相重 人生一笑難同更餘韻都藏
笑中日助清芬酒添風味須與從容

浣溪沙
癸巳
豫章

日麗風和春晝長杏花枝上正芬芳無情社雨
亦何狂 一洗嬌紅啼嫩臉半開新綠映殘粧

画梁空有燕泥香

又
滕王閣席上
贈段雲輕

落日沉沉墮翠微斷雲輕逐晚風歸西山南浦
画屏圍 一目波光明欲溜兩眉山色翠常低
須知人與景相宜

又
鳴山驛
道中

松雪紛紛落凍泥棲禽猶困傍枝低茆簷水柱
玉鞭垂 流水濺濺春意動羣山燦燦曉光迷
朔風寒日度雲遲

又蝶川從善
席上敘別

不比陽關去路賒使君行即返京華清江上
是吾家 聚散有時息夜雨留連無計勸流霞
紅愁綠慘一川花

又
癸巳
宴坐

雪絮飄池點綠漪舞風游漾燕交飛陰陰庭院
日遲遲 一縷水沉香散後半甌新茗味回時
脩閑萬事總忘機

又
野禽
紅梅

本是孤根傲雪霜肌膚不肯浣鉛黃要隨塵世
淺勻粧 似杏著花尤燦燦比梅成實自雙雙
青技巧綴碧鴛鴦

菩薩蠻
癸巳自豫
章機歸

扁舟又向瀟灘去危檣却繫江頭樹風送雨聲
來涼生真快哉 電光雲際掣白浪天相接不
用怯風波風波平地多

又

嬌花媚柳新粧靚裙邊微露雙鴛竝笑靨最多
情春從兩臉生 香羅縈皓腕翠袖籠歌扇餘
韻遇雲低梁塵簸簸飛

又

晚風斷送歸颿急重城回首天連碧猶有小樓
情西山如舊青 故園今漸近應卜燈花信一
喜一牽縈平分兩處心

又

用三謝詩故人心尚
遠故心人不見之句

故人心上如天遠故心人更何由見腸斷楚江
頭淚和江水流 江流空滾滾淚盡情無盡不
怨薄情人人情逐處新

又

瑞蔭
秋空

小春愛日融融暖危亭望處晴嵐滿江靜綠翅
環橫陳無際山 清霜欺遠樹黃葉風扶去試
探嶺頭梅點紅開未開

又

可人
梅袖

瑤英為惜輕飛去可人妙筆移纖素瀟灑向南
枝永無開謝時 閨房難竝秀自是春風手何
必問逃禪人間水墨仙

又

韻勝
竹屏

多情可是憐高節濡毫幻出真清絕雨葉芙風
枝天寒人倚時 蕭蕭襟韻勝堪與梅兄竝不
用翠成林坡仙曾賞音

又

玉山
道中

雷風落木千山遠護霜雲散晴曦暝瀟灑小旗
亭山花照眼明 粉粧勻未了一捻春風小把
酒恨因因深情眉媚中

又

梅林渡
寄與伯

行舟蕩漾鳴雙槳江流為我添新漲指顧隔江
洲人歸心尚留 陽關三疊舉怨柳離情苦何
似莫來休不來無許愁

又 永洲教人字和
聖徒季行韵

故人話別情難已故人此別何時會江上駐危
亭離懷牽故情悠悠東去水簇簇漁村市應
記合江濱瀟湘別故人

又 春夜遊
韻字

西風又老瀟湘樹翩翩黃葉辭枝去斜日淡雲
籠溪山煙靄中危關閉獨倚棹浪連天際空
角起江城書空征雁橫

又 李賀二
月雲

東皇不受人間俗爲嫌花柳粉紅綠特地闕春
和連延雨雪多梅梢封玉蕊春半開猶未還
恐怨韶華吹綿作柳花

又 鑑止蓮花
穿闌干開

水風葉底波光淺亭亭翠蓋紅粧面六月下塘
春平鋪雲錦屏露涼輕點綴綠映珍珠袂渾
似太真妃倚闌嬌困時

好事近
韻字

紅杏已香殘唯有海棠堪惜天氣著花如酒醉
嬌紅無力 娉娉嬋嬋倚東風柔媚忍輕摘憑
仗暮寒要住賽錦川春色

又 公日
韻字

雲度鶴成橋青翼已傳消息綠仗葦宮初下應
人間佳夕 龍煙縹緲散粧樓香霧擁瑤席準
擬洞房披扇看仙家春色

醉蓬萊
韻字
長長夜

正金風零露玉宇生涼晚秋天氣華渚流虹應
生商佳瑞電繞神樞慶綿宗社御寶圖宸極脫
屣塵凡遊心澹泊逍遙物外 聖子神孫祖皇
文母上接三宮下通五世至感難名亘古今無
比誕節重明燕樂和氣勅普天均被壽祝南山
尊頌北海臣隣歡醉

漢宮春
韻字
鹿鳴宴

丹詔天飛見皇家願治劍帝英才鴻儒抱負素
蘊壯志興懷文場戰勝便從此脫迹蒿萊人笑
羨鹿鳴勸駕還因計吏偕來 先春占早爭開
是人間第一唯有江梅甫中舊傳盛事六亞三
魁桃花浪暖夏平地聽一聲雷藍綬嶺蘆鞭駿
馬長安走徧天街

廳前柳

晚秋天過算雨雲容歛月澄鮮正風露淒清處
砌蛩喧夏黃黃舞翩翩 念故里千山雲水隔
被名韁利鎖縈牽莫作悲秋意對尊前且同樂
太平年

又丹

景清佳正倦客凝秋思浩無涯遁十里香芬馥
桂初華向碧葉露芳葩 為粟粒鴉兒情淡薄
倩西風染就丹砂不比黃金雨燦餘霞送幽夢
到仙家

訴衷情

清和時候雨初晴密樹翠陰成新篔簹搖碧五
芳徑綠苔深 雛燕語乳鶯聲暑風輕簾旌微
動沉篆煙消午枕除清

又前中動說白湖
靈忠如三首

神功聖德妙難量靈應著莆陽滑洲白管仙境
宛在水中央 孚惠愛備祈禳降嘉祥雲車風
馬盼靈來歆桂酒椒漿

又

茫茫雲海浩無邊天與水相連舳艫萬里來往
有禱必安全 專掌握雨暘權屬豐年瓊卮玉
醴饗此精誠福慶綿綿

又

威靈千里護封圻十萬戶婦依白湖宮殿雲聳
香火盡虔祈 傾壽酒誦聲詩諒遙知民康俗
阜雨潤風滋功與天齊

一剪梅詞十
賞梅

雪裏盈盈玉破花
遐想風流壓盡京華
點酥團粉任欹斜
獨露春妍問誰似他
有酒何須推子賒
訪戴歸來倚權溪
涯人生得意定談誇
除却西湖不記誰家

又丙辰冬
長沙作

暝日烘梅冷未甦
脫葉隨風獨見枯株
先春占早又何如
如玉點枝頭猶自蕭疎
江北江南景不殊
雪裏花清月下香浮
它年調鼎費工夫
且與藏春處士西湖

朝中措前中吳
樂堂

斜陽留照有餘紅
煙靄淡冥濛
麥隴青搖一望前山翠
失雙峰
高臺徙倚松飄逸
韻梅減水容俯
跡塵寰如掌
翩然我欲乘風

又

疎疎簾幙映娉婷
初試曉粧新
玉腕雲邊緩轉

修蛾波上微顰
鉛華淡薄輕勻
桃臉深注櫻

唇還似舞鸞窺
沼無情空惱行人

又乙未中秋
麥湖舟中

西風著意送歸船
家近總欣然
去日梅開爛熳
歸時秋滿山川
京華倦客難堪
羈思歷盡愁邊
寄語姮娥休笑
月圓人亦團圓

又山
樊

亂山春過雪成堆
七里通香回
葦簇玲瓏金粟
花裝碎屑玫瑰
蘭衰梅謝
桃粗李俗
誰與追隨
清絕殿春仙侶
清風吹破茶蘼

又月
李

開隨律琯度芳辰
鮮豔見天真
不比浮花浪蕊
天教日月常新
薔薇顏色玫瑰
態度寶相精神
休數歲時月季
仙家欄檻長春

又丁亥歲陽
賀王直之

眉間黃色喜何如
花縣拜恩初
五品榮頒命服

十行祗奉天書 萱堂繡閣均封大邑盛事同
居此日銀章朱紱行看王帶金魚

點絳脣

和翁子西

日煖風暄殿春瓊蓋依臺榭雪堆花架不用丹

青寫 營徹精神映月唯宜夜懷香帕倩風扶

下碎玉殘粧卸

又

漠漠春陰褪花時候餘寒峭數聲啼鳥喚起簾

櫳曉 雲鬢慵梳淡拂春山小情多少亂縈愁

抱風裏坐揚裊

又 同曾無玷觀
沉蕙娘甚

裊裊娉娉可人尤賽娘風韵花嬌玉潤一捻春

期近 占路藏機已向碁中進但休問酒旗花

陣早晚爭先勝

撲蝴蝶

清和時候惠風來小院琅玕脫穉方塘荷翠颭

柳絲輕度流鶯西棟低飛乳燕圍林綠陰初遍
景何限 輕紗細葛綸巾和羽扇披襟散髮心
清塵不染一盃洗滌無餘萬事消磨去遠浮名
薄利休羨

醉桃源

和江中

微雲掃盡碧虛寬月華光影寒山河表裏盪中

看沉沉清夜闌 風細細露溥溥神遊八極間

九霄回首望塵寰悠然醉夢還

又 單
卷

纖枝延蔓走青虬風清體更柔故饒檀蕊著花

稠疎疎如綬旒 瓊作鬢玉成裘玫瑰應革流

惜香愁怕罨搔頭寧隨口事休

又

杜鵑花發映山紅韶光覺正濃水流紅紫各西

東綠肥春已空 閒戲蝶懶遊蜂破除花影重

問春何事不從容憂愁風雨中

賀聖朝 和宗之梅

千林脫落羣芳息有一枝先白孤標疎影壓花
敲夏清香堪惜 吟情無盡賞音未已早紛紛
藉藉想貪結子去調羹任叫雲橫笛

踏莎行

白雪開殘紅雲吹盡園林新綠迷芳徑榆錢不
解買青春隨風亂點蒼苔暈 紫燕飛忙黃鸝
聲嫩日長煙暝游蜂困憑高念遠息無窮那堪
宿酒厭厭病

又

萬事隨緣一身須正功名富貴皆前定多圖廣
計要爭強如何人力將天勝 極費機謀徒勞
萍鏡到頭畢竟由他命安時處願得心閒飢餐
困寢處賢甚

憶秦娥 和劉希宗

傷離索不堪涼月穿珠箔穿珠箔料應別俊粉

銷瓊削 無聊倚徧西樓角枝頭幾悵驚飛鵲

驚飛鵲先來顛顛更逢搖落

武陵春 和王叔度桃花

一陣曉風花信早先到小桃枝冉冉紅雲映翠

微開宴憶瑤池 零亂分飛貪結子芳徑自成

蹊消得劉郎去路迷腸斷武陵溪

又 信豐悌翠閣

乍雨籠晴雲不定芳艸綠纖柔燕語鶯啼小院

幽春色二分休 試凭危欄凝遠目山與水光

浮滾滾閒愁逐水流流不盡許多愁

清平樂 并柳必車館

舞風輕燕線繞深深院畫水人閒簾不捲時聽

鶯黃巧轉 清和天氣陰陰南風初奏巖琴喚

起午窗新夢愁添一樹歸心

又 賜春亭

一宵風雨春與人俱去春解再來花作主只有

行人無據 慙勤滿酌離觴陽關唱起愁腸苦
恨無情杜宇聲聲叫斷斜陽

又 迎春花一名金腰帶

纖穠嬌小也解爭春早占得中央顏色好裝點
枝枝新巧 東皇初到江城慙勤先去迎春乞
與黃金腰帶壓持紅紫紛紛

鵲橋仙

歸舟過六和塔

風波平地塵埃撲面總是爭名競利悟時不必
苦貪圖但言任流行坎止 忽來忽去何策何
辱天也知人深意一颿風送過桐江喜跳出瑠
璃井裏

又 安仁道中

同雲空幕狂風浩浩激就六花飛下山川滿目
白糝糊夏茅舍溪橋瀟灑 玉田銀界瑤林瓊
樹光映乾坤不夜行人不為旅人忙怎解識天
然圖畫

又 同放國華飲開啼鵲即席作

春光已暮花殘葉密更值無情風雨斜陽芳樹
翠煙中又聽得聲聲杜宇 血流無用離魂空
斷只撓淒涼為旅在家誰道不如歸你何以隨
春歸去

又 丁巳七夕

剛河風細鵲橋雲淡秋入庭梧先墜摩孩羅荷
葉傘兒輕總排列雙雙對對 花瓜應節蛛絲
卜巧望月穿針樓外不知誰見女牛忙謾多少
人間歡會

謁金門

風和雨又送一番春去春去不知何處住惜春
無覓處 柳老空搏香絮鸞嬌乍遷芳樹回念
故園如舊否不堪聞杜宇

又 丁酉冬

江水綠江上數峰如簇喚渡小舟來畔北筍輿

行太速 素豔窗紗籠玉不負看花心目今夜
知他何處宿斷魂沙路曲

又 馳騁 陸尉

沙畔路記得舊時行處藹藹疎煙迷遠樹野航
橫不渡 竹裏疎花梅吐照眼一川鷗鷺家在
清江江上住水流愁不去

又

風雨急紅紫又還狼藉嫩綠團枝苔徑溼簾開
雙燕入 院靜晝閒人寂一縷水沉煙直心事
有誰能會得堦前芳艸碧

又 常山 道中

風策策山迥算煙橫白浙瀝穿林翻敗葉騫懷
愁倦客 問宿荒村山驛誰識離情脉脉雁足
無書孤夜色音塵千里隔

又 和從善 二首

花夜雨渺渺綠波南浦擘絮晴雲山外吐凝情

誰共語 十二玉梯空圻閉却瑣窗朱戶久客
念歸婦未許寸心愁萬縷

又

風雨半春鎖綠楊深院幙浪不翻香穗捲輕寒
閉便面 歸興新來不淺勾引悶愁撩亂一枕
春醒誰與管曉鶯驚夢斷

東坡引 別唐 誠可

相看情未足離觴已催促停歌欲語眉先蹙何
期歸太速 如今去也無計追逐怎忍聽陽關
曲扁舟後夜灘頭宿愁隨煙樹簇愁隨煙樹簇

又 發已 深章

飛花紅不聚都因夜來雨枝頭冷落情如許東
風誰是主 看看滿地堆却香絮但目斷章臺
路殘英剝盡留春住春歸何處去春歸何處去

又 龍江 趙去 非席上

孟行情意密今宵是何夕行人此別真堪惜愁

腸空悶鬱 明朝去也回首相憶要留戀如何
得無端聚雨飄何急人來心上滴人來心上滴

生查子

宜春記賓亭
別王希白唐

梅從隴首傳柳向郵亭折
鴛瓦曉霜濃掠面凝
寒色 相逢意便親欲去如何說我亦是行人
更與行人別

又

萍鄉勝
春亭

千山擁翠屏一水縈羅帶
雨過水痕添雲散山
容在 亭高景最幽天迥風尤快啼鳥一聲闌
喚起情無奈

又

遲遲春晝長冉冉東風軟
寒食乍晴天紅紫芳
菲遍 前峰積翠橫新漲接藍遠向晚淡煙迷
一段屏山展

又

丙午鐵
盦同回

春光不肯留風雨催將去
紅逐故園塵綠滿江

南樹 陰晴寒食天寂寞西郊路芳艸織新愁
悵望人何處

又

庭虛任雀喧院靜無人到回首十年非賴得知
幾早 心隨香篆銷意與梅花好萬事轉頭空
一笑吾身老

少年遊

詞

玉壺水結暮天寒潮吹繞闌干雪破梢頭香傳
花外春信入江南 巡檐索笑情何限一點已
微酸待得黃塗冥冥煙雨綠樹裊金丸

又

水霜凝凍臘殘時暝律漸推移綵勝羅幡土牛
春仗和氣與春回 花心柳眼知時節微露向
陽枝喜入新春稱心百事如意想都宜

小重山

數人以夜雨
書晴為夜春

樂歲農家喜夜春朝來收宿霧快新晴雲移日

轉午風輕香羅薄
暝映困游人
積水滿春膝
綠波翻鬱鬱
露秧針幸無離緒
苦牽情煙林外
時聽杜鵑聲

霜天曉角 三衢道中

雨餘風勁霧重
千山暝
茆舍寒林相映
分明是
畫圖景
去程何日定
天遠長安近
喚起新愁
無盡全沒箇故園信

又 行清溪

蟻舟砂磧秋淨
波澄碧
極目青山橫
遠懸崖斷
擁蒼壁
傷岩漁艇集
渡頭人物立
八景瀟湘
真畫雲籠日晚風急

江南好

天共水水遠與天連
天淨水平寒月漾
水光月色兩相兼
月映水中天
人與景人景古難全
景若佳時心自快
心還樂處景應妍
休與俗人

言

關河令 清遠軒晚望

亭阜霜重飛葉滿
聽西風斷雁
閉凭危關斜陽
紅欲斂
行人埽期太晚
誤楊絲征帆幾點
水遠連天愁雲遮望眼

又 巴亥宜春舟中

江頭伊軋動柔櫓
漸楚天欲暮
浩蕩輕鷗波間
自容與
岫蓼汀蘋無緒
更滿目瀟疎
江樹此意何窮憑誰圖画取

採桑子 三月晦必東館大雨

連朝雨驟驅春去
瓦注盆傾
不記初春潤柳催
花忒有情
春光解有重來日
寧耐休爭待得
秋深聽你無聊點滴聲

又 櫻桃花

梅花謝後櫻花綻
淺淺勻紅
試手天工百卉千
葩一信通
餘寒未許開舒
妥怨雨愁風結子
筠籠萬顆勻圓
訝許同

浪淘沙

杏花

絳萼觀輕紅綴簇玲瓏天桃繁李一時同獨向
枝頭春意鬧嬌倚東風 飛片入簾櫳粉淡香
濃鳳簫聲斷月明中只恐明朝風雨惡燕嘴泥

融

又 桃花

桃萼正芳菲初占春時蒸霞燦錦望中迷料出
繁枝臨曲沼鸞鑑粧遲 蜂蝶鎮相依天氣融

怡空教追憶武陵溪片片漫隨流水去風暖煙

霏

又 柳

搖曳萬絲風輕染煙濃鵝黃初褪綠茸茸雨洗
雲嬌春向晚雪絮空濛 車馬灞橋中別緒凶
凶只知攀折怨西東不道曉風殘月嘶離恨無

窮

雙頭蓮令

信豐雙蓮

太平和氣兆嘉祥艸木總成雙紅苞翠蓋出橫
塘兩兩鬪芬芳 幹搖碧玉竝青房仙髻擁新
粧連枝不解引鸞皇畱取映鴛鴦

画堂春

梅

西真仙子宴瑤池素裳瓊豔冰肌瑞籠香霧撲
銖衣鳳翥鸞飛 玉骨解凌風露鉛華不涴凝
脂戍樓卷管正孤吹月淡煙低

南柯子

送朱辰州子方壺小隱

木落千山瘦風微一水澄清霜暝日快歸程喚
渡沙頭款款話離情 傷嘶漁舟集橫空雁字
輕凭闌凝望眼增明一片瀟湘真個画難成

西江月

丁巳長沙大閱

笳鼓旌旗改色弓刀鎧甲增明攢花簇隊馬蹄
輕粟聽元戎晡令 羊祜輕裘臨陣亞夫細柳
屯營觀瞻已聳定王城飛虎成名日振

又

同蔡受之趙中甫巡城飲于南楚樓

森森澄清波面依依紫翠山光危欄徙倚對料
陽山影波流蕩漾 世事一番醒醉人生幾度
炎涼高情收拾付觥觴何至義皇人上

洞仙歌 丁巳元夕大雨

元宵三五正好嬉遊去梅柳蛾蟬鬪濟楚換鞦
兒添頭面只等黃昏恰限有些子無情風雨
心忙腹熱沒頓渾身處急把燈臺炎艾炷做匙
婆許蔥油麵灰画葫蘆夏漏轉越聽不停不住
待婦去猶自意遲疑但無語空將眼兒厮覷

南鄉子 尹先之索淨園子詞

元夜景尤殊萬斛金蓮照九衢鉅拍鼓湯都賣
得爭如甘露盃中萬顆珠 應是著工夫腦麝
濃熏費小厨不比七夕黃蠟做知無耍底圓兒
糖上浮

行香子

春日遲遲春景熙熙漸郊原芳艸萋萋天桃灼

灼楊柳依依見燕喃喃蜂簇簇蝶飛飛 闌庭
寂寂曲沼漪漪夏秋千紅索垂垂遊人隊隊業
意嬉嬉盡醉醺醺歌緩緩語低低

卜算子 立石道中

晴日欲春泥陌上東風軟料峭寒禁花柳閉枉
恨春工淺 綠漲一江深黛潑千山遠目斷平
蕪無際愁數盡征鴻點

又 西午春即席和從善

楊柳褪金絲豔杏搖紅影欲雨還晴二月天春
色渾無定 曉夢不堪驚午晝新求木一掬掃
心萬疊愁空惹長亭恨

又 和從善善安堂有海棠

嬌豔醉揚妃輕裊憐飛燕人在昭陽睡足時初
試粧深淺 一段錦新裁萬里來何遠高燭休
教照夜寒嬌臉融春豔

又 和徐師川韻贈歌者

綠暗柳藏煙紅淡花經雨夏著如花似玉人豔
態嬌波注 纖手捧瑤卮緩過歌雲縷只恐翼
花不解留還逐東風去

又 赴春陵和向
伯元送行詞

雲歛峭寒輕雨漲春波渺旅枕無堪夢易驚啼
鴉聲催曉 尚憶故園花紅紫爲客好世路崎
嶇長短亭來往何時了

伊州三臺 丹
桂

桂華移自雲岩夏被靈砂染丹清露溼醜顏醉
乘風下臨世間 素娥襟韻蕭閒不與羣芳並
看蕪蕪絳綃單覺身輕夢回廣寒

介之汴人一名師侯生于全用捷于符箓故其詞

亦多富貴氣或病其能作淺淡法不能作倚斲

法余正謂禱家頌酒廢色已極溫醇存一淡粒以

愧深抹六初集中放翁一語也湖南毛晉識

坦菴詞 終

惜香樂府目錄

卷一

水龍吟

念奴嬌

滿庭芳

花心動

踏莎行

南歌子

蝶戀花

鷓鴣天

江神子

南歌子

臨江仙

一叢花

青玉案

醉蓬萊

雨中花慢

鷺山溪

蝶戀花

虞美人

江神子

醉蓬萊

臨江仙

青玉案

南歌子

醉落魄

點絳脣

鷓鴣天

探春令

小重山

菩薩蠻

卷二

水龍吟

聲聲慢

南歌子

浣溪沙

朝中措

桃源憶故人

長相思

感皇恩

探春令

菩薩蠻

醜奴兒

浣溪沙

清平樂

夏漏子

訴衷情

小重山

蝶戀花

鷓鴣天

探春令

卷三

寶鼎現

青玉案

燭影搖紅

念奴嬌

阮郎歸

虞美人

漁家傲 念奴嬌

玉樓春 謁金門

眼兒嬌 菩薩蠻

畫堂春 卜算子

念奴嬌 菩薩蠻

點絳脣 鷓鴣天

瑞鶴仙 臨江仙

一叢花 清平樂

朝中措 柳梢青

卷四 夏景

花心動 鼓笛慢

念奴嬌 滿庭芳

好事近 虞美人

醉蓬萊 賀新郎

踏莎行 醉落魄

卜算子 阮郎歸

蝶戀花 鷓鴣天

江神子 新荷葉

臨江仙 朝中措

減字木欄花 卜算子

臨江仙 雨中花令

畫堂春 浣溪沙

西江月 卜算子

清平樂 浣溪沙

鷓鴣天 菩薩蠻

西江月 浣溪沙

蝶戀花 浣溪沙

青玉案 謁金門

卷五 秋景

念奴嬌 聲聲慢

瑞鶴仙 滿庭芳

水調歌頭 藝山溪

洞仙歌 一詞 虞美人 一詞

醉蓬萊 一詞 洞仙歌 一詞

夏雲峯 一詞 感皇恩 一詞

瑞鶴仙 一詞 臨江仙 二詞

鷓鴣天 一詞 驀山溪 一詞

水調歌頭 一詞 踏莎行 一詞

臨江仙 一詞 醉落魄 一詞

好事近 一詞 菩薩蠻 一詞

卜算子 一詞 點絳脣 一詞

好事近 一詞 息越人 一詞

小重山 一詞 採桑子 一詞

朝中措 二詞 洞仙歌 一詞

似娘兒 一詞 蝶戀花 一詞

夜行船 一詞 清平樂 二詞

一剪梅 一詞 南歌子 一詞

醉花陰 一詞 菩薩蠻 二詞

浣溪沙 一詞

卷六 冬景

滿庭芳 一詞 御街行 一詞

有有令 一詞 一剪梅 一詞

臨江仙 一詞 南歌子 一詞

永遇樂 一詞 玉蝴蝶 一詞

瀟湘夜雨 一詞 念奴嬌 一詞

似娘兒 一詞 柳梢青 一詞

祝英臺近 一詞 點絳脣 一詞

柳梢青 一詞 西江月 一詞

眼兒嬌 一詞 別怨 一詞

減字木蘭花 一詞 好事近 一詞

霜天曉角 一詞 鷓鴣天 一詞

驀山溪 一詞 浣溪沙 三詞

點絳脣 一詞 鷓鴣天 一詞

望江南 一詞 玉樓春 一詞

鵲橋仙

菩薩蠻

阮郎歸

霜天曉角

菩薩蠻

憶秦娥

如夢令

卷七

水龍吟

水調歌頭

水龍吟

念奴嬌

水調歌頭

水龍吟

驀山溪

念奴嬌

瑞鶴仙

驀山溪

青玉案

虞美人

臨江仙

漁家傲

江神子

御街行

一叢花

天仙子

瑞鷓鴣

行香子

夜行船

採桑子

蝶戀花

鷓鴣天

眼兒嬌

臨江仙

惜奴嬌

卷八

水龍吟

水調歌頭

水龍吟

訴衷情

滿江紅

賀新郎

好事近

眼兒嬌

簇水

青杏兒

雙鬢子

浣溪沙

漢宮春

雨中花慢

柳梢青

玉團兒

南歌子

臨江仙

鷓鴣天

浣溪沙

浪淘沙

眼兒嬌

如夢令

浣溪沙

減字木蘭花 二調 夜行船 一調

眼兒嬌 一調 品令 一調

柳梢青 一調 浣溪沙 三調

臨江仙 一調 夜行船 一調

浪淘沙 一調 如夢令 一調

卜算子 一調 眼兒嬌 一調

卷九 總詞○好事近
以下俱賀生辰

南鄉子 二調 謁金門 二調

一翦梅 一調 點絳脣 二調

菩薩蠻 二調 畫堂春 一調

如夢令 二調 菩薩蠻 一調

長相思 一調 柳梢青 一調

好事近 一調 朝中措 三調

念奴嬌 一調 好事近 二調

柳長春 一調 武陵春 一調

臨江仙 一調 喜遷鶯 一調

鵲橋仙 一調

卷十 補遺

柳梢青 一調 賀新郎 一調

東坡引 一調 杏花天 一調

臨江仙 一調 鞦韆毬 一調

眼兒嬌 一調 菩薩蠻 一調

鷓鴣天 一調 浪淘沙 一調

謁金門 一調 侍香金童 一調

菩薩蠻 一調 清平樂 一調

好事近 一調 思越人 一調

武陵春 一調

惜香樂府目錄 終

惜香樂府卷一

宋 趙長卿

春景

水龍吟 餘

韶華迤邐三春，算飛盡繁紅無數。多情爲與杜
丹長約，年年爲主。曉露凝香，柔條千縷，輕盈清
素。最堪憐，玉質冰肌，婀娜江梅，謾休爭妬。翠
蔓扶疎，隱映似碧紗籠罩。越溪遊女，從前愛惜
嬌姿，終日愁風怕雨。夜月一簾，小樓魂斷，有思
量處。恐因循，易嫁東風，爛熳暗隨春去。

念奴嬌

小春時候，見早梅吐玉，裁瓊粧白。點點枝頭光
照眼，惱損柔腸。情客暗裏芳心，出羣標致，經歲
成疎隔。如今風韻，何人依舊，冰雪冷豔，瀟瀟
天然。香姿肯易許，遊蜂狂蝶，夜半黃昏，擔帶了
多少清風。明月宋玉，雖悲元超，雖恨見了千愁。

歌東君還許有情，取次攀折

滿庭芳

爆竹聲飛，麝香細華，堂歌舞催春。百年消息
經半已，凌人念我功名冷落，又重是一歲還新。
驚心事，安仁華鬢，年少已逡巡。明知生似寄，
何須苦苦，役慕蹄輪。最難忘，通經好學，沉淪況
是讀書萬卷，辜負他。此志難伸，從今去，燈窗勉
進雲路，豈無因。

花心動

客中見寄
煥香書院

風軟寒輕，暗香飄撲，面無限清。楚乍淡，乍濃，應
想前村定是早梅初吐。馬兒行過坡兒，下危橋
外竹梢疎處，半斜露。花花蕊蕊，燦然滿樹。一
餉看花凝竚，因念我西園玉英，真素最是繫心
婉婉精神，伴得水雲仙侶。斷腸沒奈，人千里，無
計向，銀頭頻覩。淚如雨，那堪又還日暮。

踏莎行 春

柳暗披風柔宿雨一番綠遍江頭樹
鶯花已過苦無多看看又是春歸去
病酒情懷光陰如許閒愁悄沒安排處
新來著意與兜籠身心苦役伊知否

南歌子 早春

春色烘衣煖宮梅破鼻香盡驅和氣入蘭堂
又是輕雲微雨下巫陽 酒帶歡情重醺醺氣味
長晚來拂拭略梳粧笑指一鈎新月上迴廊

蝶戀花 春深

宿雨新晴天色好穠李夭桃一處都開了燕子
歸來深院悄柳綿鋪暹無人掃 咫尺鸞花還
又老綠入閒堦只有青青草參揣前期誰可表
此情不語知多少

鷓鴣天 茶原

鑊玉栽瓊莫比香娉婷枝上帶春光
風流列有千般韵割捨昏沉入醉鄉
蜂共蝶儘乾忙擅

心知未肯尋常從來詩苦人消瘦
乞與幽窗富錦囊

又 春莫

蜂蜜釀成花已飛海棠次第雨臙脂
園林檢點春歸也只有縈風柳帶垂
情默默恨依依可人天氣日長時
東風恰好羣芳去何事驅馳作別離

江神子 梅

年年長見傲寒林歷羣英有餘清
曾被芳心紅日惱詩情玉質暗香無
限意偏婉婉儘輕盈今年瀟灑照岐
亭更芳馨也崢嶸無奈多情終是惜
飄零誰與東君收拾怕風雨挫瑤瓊

南歌子 荆溪寄南徐故人

春息濃如酒離心亂似綿
一川芳艸綠生煙客裏因循重過
豔陽天屈指歸期近愁眉淚灑然
無端還被此情牽為問桃源還有再
逢緣

臨江仙 賞花

憶昔去年花下飲團樂爭看餘醪酒濃花豔兩
相宜醉中嘗記得幫帶寫新詩 還是春光驚
已算此身猶在天涯斷腸無奈苦相思憂心徒
耿耿分付與他誰

一叢花 杏花

柳鶯啼曉夢初驚香霧入簾清胭脂淡注宮粧
雅似文君猶帶春醒芳心婉婉媚容綽約桃李
總消聲 相如春思正繁繁無奈惜花情曲欄
小檻幽深處與慙慙遮護娉婷姚黃魏紫十分
顏色終不似輕盈

青玉案 春

天涯目斷江南路見芳草迷風絮綠暗花梢春
幾許小桃寂寞海棠零亂飛盡胭脂雨 子規
聲裏山城暮月挂西南夢回處滿抱離愁推不
去雙肩百皺寸腸千縷若事憑鱗羽

醉蓬萊 賞花

是三春已算浪蕩彫殘牡丹零落獨殿清和有
佳名芍藥淺淺芳叢繡幢鼎鼎更豔香綽約渾
似揚州畫樓捲起翠簾紅幙 倚檻輕盈萬嬌
千媚故整霞裙笑花寂莫太守風流擁笙歌圍
著坐上詩人二千里外念此身飄泊客眼看花
歸心對酒番成蕭索

雨中花慢 春

宿靄凝陰天氣未晴峭寒勒住羣葩倚欄無語
羞嘉負年華柳媚梢頭翠眼桃蒸原上紅霞可
堪柳盡日狂風蕩蕩細雨斜斜 東君底事無
賴薄倖著意殘害鶯花惟是我惜春情重說奈
咨嗟故與慙慙索酒更將油幕高遮對花歡笑
從教風雨著醉酬他

驀山溪 春

曉來雨霽弱柳搖新翠麗日媚東風正不暝不

寒天氣幽禽弄舌花上訴春光高一餉低一餉
清曉圓還碎 那知時勢春亦元無意草木自
敷榮似人生功名富貴我咱請分隨有亦隨無
不妬富不憎貧歌酒閒遊戲

蝶戀花

芍藥開殘春已盡紅淺香乾蝶子迷花陣陣是
清和人正困行雲散後空留恨 小字金書頻
與問意曲心誠未必他能信千結柔腸愁寸寸
細釵幾日重相近

虞美人

清婉亭
賞餘驛

江梅雖是孤芳早爭似醜醜好几紅飛盡草萋
迷婀娜枝頭纔見細腰肢 玉容消得仙源惜
滿架香堆白檀心應笑酒相宜割捨花前猛飲
倒金卮

又

水塘淺綠生芳草枝上青梅小柳眉愁黛爲誰

開似向東君喜見故人來 碧桃銷恨猶堪愛
妃子今何在風光小院酒尊同向晚一鈞新月
落花風

江神子

小溪清淺照孤芳蕊珠娘暗傳香春染粉容清
麗傳宮粧金縷翠蟬曾記得花密密過彫牆
而今冷落水雲鄉念平康轉情傷夢斷巫雲空
恨楚襄王水雪肌膚消瘦損愁滿地對斜陽

醉蓬萊

是平分春色夢草池塘暝風簾幕昨夜三台燦
天邊芝角自是君家慶流澤遠降生申崧岳厚
德溫良高才粹雅淵源學博 何事丹墀尚淹
闊步未許中原少勤方畧且對笙歌醉黃金錯
落葢洞珠宮媚人桃李趁青春綽約綠意紅情
成陰結子五雲樓閣

臨江仙

春

春事猶餘十日吳蚕早已三眠多情忍對落花
前醉醺飄煥雪荷葉媚晴天 香淡無心浸酒
綠浮可意邀船時允堪恨也堪憐單衣三月暮
也淚速速

點絳脣

春思

歌扇一番圓

密雨隨風非來一夜簷聲濤奈何憊官路梅

青玉案

社日客居

花瘦 賦得多情怕到春時候如今一病非因

去年社日東風裏向三徑開桃李脆管危絃隨

酒試問君知否

意起綠陰紅影暝香繁蓋伴我醺醺醉 今年

又

社日空垂淚客舍看花甚情意江上危樓愁獨

春到垂楊嫩黃紫就金絲軟麗晴新煥湧翠千

倚欲將心事巧憑來燕說與人顛顛

山遠 爲甚年年眉向東風展閒消遣欲歸猶

南歌子

春筍送別

懶漁笛天將晚

枝上紅飛盡梢頭綠已勻遊絲柳絮媚青春向

又

春十

晚煥風簾幕練光新 春已凶凶去柳堪話別

輕煥輕寒賞花天氣春將半柳搖金線求友翼

情劉郎幾日便登程告你覓些歡笑送行人

相喚 玉腕蛾眉意眼頻頻歌喉軟玉卮受

醉落魄

春深

勸一醉應相拌

麥畦勻綠枝頭屑飛梅玉傷心何事人南北

又

春雨

斷盡回腸忍聽陽關曲 倚窗青蔭亭亭竹好

夜雨如傾滿溪添漲桃花水落紅鋪地枝上堆

濃翠 去年如今常伴 除醺醉今年裏 離家千

里 獨猛東風淚

又春

啼鳥喃喃恨春歸去 春誰管日和風 煥綠暗閉

庭院 還憶當年綺席新 相見人已遠 水流雲

散 空結多情怨

鷓鴣天 詠茶

弱質纖姿 儷素粧 水沉山麝 鬱幽香 直疑始射

來 天上要憫人間 傳粉郎 簡釀酒枕為囊 更

餘風味 勝糖霜 肯如紅紫 空姚冶 謾惹遊蜂戲

蝶忙

又

玉容應不羨 梅粧檀心 特地賽 爐香半藏 密葉

牆頭 女勾引 酡顏馬上郎 樽乏酒且傾囊 蟹

螯糟 熟似黏霜 一年光景 渾如夢 可惜人生忙

處忙

又

洗盡鉛華 不著粧 一般真色 自生香 飄飄何處

凌波女 故故相迎 馬上郎 尋譜謀發 詩囊絕

勝梅 夢嫁冰霜 故山寒食 依然枉勾引 東坡旅

興忙

又

鑷玉裁瓊 學靚粧 不須沉水 自然香好 隨梅蕊

粧宮 額肯似 桃花 誤阮郎 羞傳粉賤 香囊何

勞 傲雪與 凌霜 新來勾引 無情眼 拚為東風一

餉忙

又

綽約肌膚 巧樣粧 風流元自有 清香未應 傳粉

疑平叔 却笑荷花 似六郎 浮蟻甕入 詩囊學

人消瘦 怯風霜 午窗一枕 莊周夢 甘作花心粉

蝶忙

探春令 元

去年元夜正錢塘看天街燈火鬧蛾兒轉處熙

熙語笑百萬紅粧女 今年肯把輕辜負列裝

煌千炬趨閒身未老良辰美景欸醉新歌舞

小重山

發 卷

清晚窗前杜宇啼遊仙驚夢醉斷魂迷起來窗

下看盆池傷春去消瘦不勝衣 柳陌記年時

行雲音信杳與心違空教攢恨入雙眉人已遠

紅葉莫題詩

又

發 卷

綠樹陰陰春已休羣花飄盡也不勝愁遊絲飛

絮兩悠悠迷芳艸日暝雨初收 深院小遲留

好香燒一炷細煙浮夏聽羯鼓打梁州惱人處

宿酒尚扶頭

菩薩蠻

梅花有意舒香粉舒香已得先春信香與露華

清露濃愁殺人 酒多愁愈重此意誰能共淚

溼染衣斑夜霜金縷寒

又

梅花枝上東風軟朝來吹散真香遠雅淡有餘

清客心和淚傾 美人臨別夜月晃燈初燭玉

枕小屏山眉尖曾細看

惜香樂府卷一

惜香樂府卷之二

春景

水龍吟 梅詞

煙姿玉骨塵埃外看自有神仙格花中越樣風
流曾是名標清客月夜香魂雪天孤豔可堪憐
惜向枝間且作東風第一和羹事期它日 聞
道春歸未識問伊家却知消息當時惱殺林逋
空遶團樂千百橫管輕吹處餘香散阿誰偏得
壽陽宮應有佳人待與點新粧額

又

葦綃開得仙花就中最有佳人似香肌勝雪千
般揉縛禁他風雨縞夜精神繁春標致忍教孤
負悵潘郎去後河陽滿縣知他是誰為主 多
謝文章吏部遇御盃不曾輕許應知這底無言
情緒難為分付吹遍春風耀殘明月總傷心處
待閒亭夜永遊人散後作飛仙去

又 詞

天教占得如簧巧聲乍轉千嬌媚金衣襯著風
流模樣於中可是紅杏香中綠楊陰處多應饒
你向黃昏苦苦嬌啼怨別那堪更東風起 別
有詩腸鼓吹未關他等閒俗耳雙柑斗酒當時
曾是高人留意南國春歸上陽花落止添顛顛
念啼聲欲碎何人解作留春計

又 詞

淡煙輕靄濛濛望中乍歇凝晴晝纔驚一霎催
花還又隨風過了清帶梨梢暈含桃臉添春多
少向海棠點點香紅染遍分明是胭脂透 無
奈芳心滴碎阻遊人踏青攜手簷頭線斷空中
絲亂纒晴却又簾幙閒垂處輕風送一番寒峭
正留君不住瀟瀟更下黃昏後

聲聲慢 草詞

濃芳滿地秀色連天和煙帶雨萋萋幾許芳心

還解報得春暉當時謝郎夢裏似慙慙傳與新
詩却為甚動長門怨感南浦傷離 追想天涯
行客應解擁車輪步步相隨惆悵如絲正是欲
斷腸時憑高望中不見路悠悠南北東西春去
也怨王孫猶自未歸

又

詞

金垂煙重雪颺風輕東風慣得多嬌秀色依依
偏應綠水朱樓腰肢先來太瘦瘦眉尖惹得閒
愁牽情處是張郎年少一種風流 別後長堤
目斷空記得當時馬上牆頭細雨輕煙何處夕
繫扁舟叮嚀再須折贈勸狂風休挽長條春未
老到成陰終待笑遊

南歌子

莫春
佳雨

黯靄陰雲覆滂沱急雨飛洗殘枝上亂紅稀恰
是褪花天氣因人時 向曉春醒重假人起較
遲薄羅初見試輕衣笑拭新粧須要剪餘醲

浣溪沙

春深

寒食風霜最可人梨花榆火一時新心頭眼底
總宜春 薄葺婦吟芳艸路落紅深處鷓鴣聲
東風疎雨喚愁生

又

春深

柳老拋綿春已深夾衣初試曉寒輕別離無奈
此時情 先自愁懷容易感不堪聞底子規聲
西樓料得數回程

又

春深

不慣江梅噴暗香春前臘後正淒涼霜風雪月
忍思量 斜倚幽林如有恨玉鱗飛後轉堪傷
時人那解惜孤芳

朝中措

梅

別來無事不思量霜日最淒涼凝想倚欄干處
攢眉應為蕭郎 梅花豈管人消瘦只恁自芬
芳寄語行人知否梅花得似人香

桃源憶故人

初春

夜來一夜東風暖春到桃腮柳眼對景可堪腸
斷強把愁眉展 花期惹起歸期念前事從頭
付遍凝想水遙山遠空結相思怨

長相思

春濃

花飛飛柳依依簾捲東風日正遲社前雙燕啼

藥欄東藥欄西記得當時素手攜鸞鸞月似

眉

感皇恩

柳

景物一番新熙熙時候小院融和漸長晝東君

有意為伶纖腰消瘦軟風吹破眉間皺 嫋嫋

枝頭輕黃微透舞到春深轉清秀錦囊多感又

夏新來傷酒斷腸無語凭欄久

探春令

早春

笙歌間錯華筵啟喜新春新歲菜傳纖手青絲
輕細和氣入東風裏 幃兒勝兒都姑婦戴得

更乞戲願新春已後吉吉利利百事都如意

菩薩蠻

春深

赤欄干外桃花雨飛花已覺春歸去柳色碧依
依濃陰春晝遲 海棠紅未破勻糝胭脂顫風
雨也相饒應怜粉面嬌

醜奴兒

春殘

牡丹已過醮醮謝飛盡繁花濃翠號鴉綠水橋
邊賣酒家 年時攜手尋春去滿引流霞往事
堪嗟猶喜潘郎鬢未華

浣溪沙

寵姬小春

簾捲輕風恰小春荷枯菊悴正愁人江梅喜見
一枝新 料得主人偏愛惜也應冰雪好精神
故園桃李莫生嗔

清平樂

問訊梅花

楚梅嬌小好是霜天曉宿酒惱人香暗遠浸影
碧波池沼 生成素淡芳容不須抹黛勻紅準

擬成陰結子莫教枉費春工

又早起

綺疏新曉學語雛鸞巧煙暖瑤階梧葉老滿地

東風芳草 少年不合風流債他酒債花愁望

斷綠蕪春去銷寇嬾上層樓

夏漏子春

日彤彤風蕩蕩簾外柳花飛颺紅有限綠無窮

雨晴芳徑中 腸寸結縈離別還是去年時節

春草也子規啼傷春三月時

訴衷情重臺

檀心刻玉幾千里開處對房櫳黃昏淡月籠豔

香與酒爭濃 宜輕素鄙輕紅息無窮化工著

意南南北北一種東風

小重山楊花

枝上楊花糝玉塵晚風扶起處雪輕盈撲人點

點細無聲誰能惜撩亂滿江城 忍淚未須傾

十年追往事嘆流鶯曉來雨過轉傷情鋪池綠

遺恨寄浮萍

蝶戀花春

綠盡煙痕芳艸遍不暎不寒切莫辜良宴畫

屏風開羽扇薄羅衫子仙衣練 晚雨小池添

水面戲躍頻鱗又向波心見持酒伊聽聲宛轉

樽前唱徹昭陽怨

鷓鴣天燕

梁上雙雙海燕歸故人應不寄新詩柳梧陰裏

高遼下簾幙中間去復回 追盛事憶烏衣王

家巷陌日沉西興亡無限驚心語說向時人總

不知

又春

謾謾東風作雨寒無言獨自凭欄千綠肥紅瘦

春歸去恨逼愁侵酒怎寬 追往事惜花殘殘

花往事總相關風光臺上傷心處此意人休作

算開

探春令

春

新元纔過漸融和氣先到簾幃
閑遮柳徑花蹊裏探看試春來未
年時曾把春拋棄與春光陪淚待
今春日日花前沉醉款細俱紅翠

又

春

數聲回雁幾香疎雨東風回喚甚
今年立得春來晚過人日方相見
縷金幡勝教先辦著工夫裁剪到
那時觀當須教滴惜稱得梅粧面

又

賞梅

水檐垂箸雪花飛絮時方嚴峭向
尋常搖曳凡花野草怎生敢誇紅綠
江梅孤潔無拘束祇溫然如玉自
一般天賦風流清秀總不同流俗

又

而今風韻舊時標致總皆奇絕再
相逢還是春前臘後粉面凝香雪
芳心自與羣花別儘孤

高清潔邨情懷最是與人好處冷淡黃昏月

又

彫牆風定綺窗燭地沉吟獨坐料
雪霜深處司花神女暗裏焚百和
惱人一陣香初過把清愁熨破更
邨堪得水姿玉貌痛與惜則箇

又

龜紗隔霧繡簾鈎月邨時曾見
照影兒覩了千回百轉素豔明於
練柔腸堆滿相思願更重看幾遍
是天然不用施朱斲翠羞損桃花
面

又

疎籬橫出綠枝斜露笑盈盈地情
一似初覩東邨女有無限風流意
半開折得瓊瑰蕊意新香沾袂放
曲屏珠晃瞻瓶兒裏伴我醺醺睡

又

水漸池面柳搖金線春光無限問
梅花底事收香藏盡到此方舒展
百花頭上俱休管且驚

開俗眼看綠陰結子成功調鼎有甚遲和晚

又

溪橋山路竹籬茆舍淒涼風雨被摧殘沮挫精神依舊無奈相思苦 東君故與收拾取忍教他塵土向綠窗繡戶朱欄小檻做箇名花主

又

雨屛風瘦雪欺霜妬時光牢落怎奈向天與孤高出衆一任傍人惡 凡花且莫相嘲謔儘強伊寂寞便饒他百計千方做就醞藉如何學

又

樓頭月滿欄干風度有人腸斷爲多情役得神魂撩亂又被梅縈絆 對花沉醉應須拚且尊弄相伴恨無端玉笛穿簾透幙好夢還驚散

又

清江平淡暗香瀟洒滿林風露漸枝上也學楊花柳絮輕逐春歸去 東君著意勤遮護總留

他不住幸西園別有能言花貌委曲關心慄

惜香樂府卷二

惜香樂府卷三

春景

寶鼎現

元上

鷺塵盡埽碧落輝騰元宵三五夏漏永遲遲停
鼓天上人間當此遇正年少盡香車寶馬次第
追隨士女看往來巷陌連覺簇起星毬無數
政簡物阜清閒處聽笙歌鼎沸頻舉燈焰暖庭
帷高下紅影相交知幾戶恣歡笑道今宵景色
勝却前時幾度細算來皇都此夕消得喧傳今
古綺席成行爐噴裊沉檀輕縷觀遊綵仗
疑是神仙伴侶欲飛去恨難留住漸到蓬瀛步
願永逢恁時恁節且與風光為主

青玉案

春

梅黃又見纖纖雨客裏情懷兩眉聚何處煙村
啼杜宇勸人歸去早息家轉聽得聲聲苦利
名縈絆何時住惱亂愁腸成萬縷滿眼興亡知

幾許不如尋個老松石畔作個柴門戶

燭影搖紅

深春

梅雪飄香杏花開豔燃春晝銅駝煙淡曉風輕
搖曳青青柳海燕歸來未久向雕梁初成對偶
日長人困綠水池塘清明時候簾幙低垂麝
煤煙噴黃金獸天涯人去杳無憑不念東陽瘦
眉上新愁歷舊要消遣除非帶酒酒醒人靜月
滿南樓相思還又

念奴嬌

梅影

銀蟾光滿弄餘輝冷浸江梅無力緩引柔條浮
素蕊橫枉閒窗虛壁染紙揮毫粉塗墨暈不似
今端的天然造化別是一般清瘦蹤跡今夜
翠葆堂深夢回風定因月才相識先自離愁那
更被曉角殘更催逼曙色將分輕陰移盡過眼
難尋覓江南圖上画工應為描得

又

梅影

玉龍聲香正 瑤臺曲舞香山 初徹褪粉拍酥千
萬顆滿地平鋪銀雪草褥香茵 苔錢買住留待
黃昏月有人粧罷對花凝竚愁絕 休更恨落
羞開東君情分自古多離別 好把芳心收拾取
與個和羹人說 擺脫風塵消停酸苦 終有成時
節淨花浪蕊到頭不是生活

阮郎歸 咏春

和風暝日小層樓 人閒春事幽 杏花深處一聲
鳩花飛水自流 尋舊夢續揚州 扇山相對愁
憶曾和淚送行舟 清江古渡頭

虞美人 春塞

東風捲盡辛夷雪 逆旅清明節 黃昏煙雨失前
山 陟遍朱欄酒噤不禁寒 歸來誰護衣 篝火
倒擁文鴛臥 可堪連夜子規啼 喚得春歸人却
未成歸

漁家傲 梅

蕙死蘭枯金菊槁 返魂香入江南 早竹外一枝
斜更 好誰解道古今惟有東坡老 坡德詩云竹
一枝一葉皆要
好 去歲花前人醉倒 酒醒花落無人掃 今歲
花開人未到 愁滿抱 青山一帶連芳草

念奴嬌 梅

蘭枯菊槁是 返魂香入江南 春早谷靜林幽人
不見 夢與梨花顛倒 雪刻檀心玉勻 豐頰粧赴
嚴鍾曉 海仙么 鳳綠衣何處飛遶 竹外孤裊
一枝古今 解道只有東坡老 莫倚廣平心似鐵
閒把珠璣揮掃 桃李輿臺冰霜賓客 月地還凄
悄 暗香消盡和羹心事 誰表

玉樓春 春半

江村百六春強半 拍拍池塘春水滿 風團柳絮
舞如狂 雨壓橘花香不散 陰陰巷陌閉庭院
小立危欄 羨燕燕不知何事 未還鄉 除却青春
誰作伴

謁金門春

風又雨滿地殘紅無數花不能言
鶯解語曉來啼更苦
把酒東臯日暮抵死留春
春去擬倩楊花尋去處
楊花無定據

眼兒媚春

樓上黃昏杏花寒斜月小
闌干一雙燕子兩行歸
雁画角聲殘綺窗人在東風裏
無語對春閒也應似舊
盈盈秋水淡淡春山

菩薩蠻春

楊花飛盡鷺聲澀
杜鵑喚得春歸急
病酒起來遲
嬌慵懶画眉
寶奩金鴨冷
重喚燒香餅著
意煉龍涎
纖纖手遶煙

画堂春長新亭小飲

小亭煙柳水溶溶
野花白紅紅
惱人池上晚來風
吹損春容
又是清明天氣
記當年小院相逢
憑欄幽思幾千重
殘杏香中

又賞海棠

夜來暝趁海棠時
臉邊勻透胭脂
紅嬌影困垂垂
睡損楊妃
多少肉溫香潤
朱唇綠鬢相偎
晚風何苦過臺西
斷送春歸

卜算子春

春水滿江南
三月多芳艸
幽鳥銜將遠恨來
一都啼了
不學鴛鴦老
回首臨平道人道
長眉似遠山
山不似長眉好

念奴嬌梅

見梅驚笑問經年
何處收香藏白
似語如愁却問我
何苦紅塵久
客觀裏栽挑仙家種
杏到處成疎隔
千林無伴
淡然獨傲霜雪
且與管領春
翹孤標爭肯接
雄蜂雌蝶
豈是無情知受了
多少淒涼
風月寄隴人遙
和羹心在
忍使芳塵歇
東風寂寞
可憐誰與攀折

又梅

水邊籬落獨橫枝
冉冉風煙岑寂踏雪尋芳村
路永竹屋西頭遙識蕙艸香
銷小桃紅未醉眼
驚春色誰愁何處斷腸無限陳跡
顛顛素臉
朱唇天寒日暮倚闌干無力歲晚天涯驛使遠
難寄江南消息自笑平生憐清惜淡故園曾親
植百花雖好問還有恁標格

菩薩蠻

梅

肩輿曉踏江頭月
月華冷浸清殘雪
雪月照疎籬
梅花三兩枝
人憐花淡薄
花恨人牢落
不似那回時
醺醺醉玉肌

點絳脣

梅

開盡梅花雪殘庭戶
春來早歲華偏好
只恐催人老
惟有詩情猶被花枝惱
金樽倒共成歡笑
笑終是清狂少

鷓鴣天

梅

手種梅花三四株
要看水霜照清臞
朝來幾朶

茄檐下竹外江頭恐不如
凝玉面吐香鬢莫嫌孤瘦漸豐餘
化工不肯辜人意
做底懽娛報畲渠

又送

春

只慣嬌癡不慣愁
離情渾不挂眉頭
可憐惱盡尊前客
却赴東風上小舟
真個去不催留
落花流水一春休
自怜不及春江水
隨到滕王閣下流

瑞鶴仙

早春有感

海棠花半落
正蕙圃風生
蘭亭香撲
青英暝池閣
任翻紅飛絮
遊絲穿幙
情懷易著
奈宿醒情緒
正惡嘆韶光漸改
年華荏苒
舊歡如昨
追念凭肩盟誓
枕臂私言
盡成離索
記得忘却當時事
那時約怕燈前月下
得見則個厭厭只待
覩著問新來爲誰榮
牽又還瘦削

臨江仙

春

過盡征鴻來盡燕故園消息茫然一春顛顛有
人憐懷家寒食夜中酒落花天 見說江頭春

浪渺慙勤欲送歸船別來此處最繁牽短蓬南

浦雨疎柳斷橋煙

一釐花

薛春
送別

堦前春草亂愁芽塵暗綠窗紗釵盟鏡約知何

限最斷腸湓浦琵琶南渚送船西城折柳遺恨

在天涯 夜來魂夢到儂家一笑臉如霞鸞啼

燕恨西窗下問何事潘鬢先華鐘動五更魂歸

千里殘角怨梅花

清平樂

春景

霽光搖目春入郊源綠殘雪壓枝堆爛玉時向

林間殺殺 杖藜細履平沙醉中一任欹斜落

日數聲啼鳥香風滿路梅花

朝中措

春咏

亂山疊疊水泠泠南北短長亭客路如天杳杳

歸心特地寧寧 春光苒惹花朝冷落酒伴飄
零鬢影黃邊半白燒痕黑處重青

柳梢青

春詞

桃李舒紅遲遲暝日媚景芳濃紫燕穿簾香泥

著地未乳巢空 千山萬水重重煙雨裏王維

畫中芳草斜陽無人江渡蓑笠漁翁

近豐城馬令字夢山舊日與張公舍人從遊

甚厚偶一日暇命道士請紫府仙忽畫其灰

稱云我乃張孝祥也昔日死生之事天數難

逃耳今不復云子幸歸紫府真人之列馬令

遂具菓卓酌酒具服焚香而命飲勞焉凡三

獻盃而稱有不樂之意馬遂具盃分東西之

位張乃堅不肯東坐再三而馬遂居其東飲

未終而又索呼妓爲佐罇馬如命令歌舞數

曲又命画灰而云子亦醉矣別無所贈謹成

小詞伸作別之意

子平生惟珍惜一端硯在本家書院洪字號
籠內宜取以贈馬君再画灰云仙風路隔後
會難期遂去後果於其家得硯再禱而請竟
不復至得其傳者樂邑詹凝叔堅欽而奉行
好事君子幸無以爲妖惑牛鬼蛇神之怪當
重張公平昔魁名文章善政在人耳目未泯
詳之無忽

原本標摘青去蘇近望城云、後裁余平

生云、并本詞語意不甚相屬始仍舊

附卷末

惜香樂府卷四

夏景

花心動荷花

綠水平湖漫芙蓉爛錦豔勝傾國半欲半開斜
立斜欹好似困嬌無力水仙應赴瑤池宴醉歸
去美人扶策駐香駕擁波心媚容倩粧顏色
曾見荇川澄碧勻粉面溪頭舊時相識翠被繡
衲彩扇香簾度歲杳無消息露痕滴盡風前淚
追往恨悠悠蹤跡動怨憶多情自家賦得

鼓笛慢

眼

甲申五月仙源試新水雨過絲生荷香襲人因感而賦此詞一時快

暑風吹雨仙源過深院靜涼於水蓮花郎面翠
幢紅粉烘人香細列院新番曲成初按詞清聲
腕奈難堪羞溼朦鬆病眼無心聽笙簧美還
記當年此際嘆飄雲萍蹤千里楚雲寂寞吳歌
淒切成何情意因念而今水鄉瀟灑風亭高致

對花前可是十分蒙斗肯辜歡醉

念奴嬌碧合

晚粧纔罷見攏絲勻玉一團嬌秀趁得年光長
是向金谷無花時候不比鸞鸞不關燕燕不似
章臺柳清涼無汗雪肌瀟灑難偶好是斜月
黃昏瑤塔鈿砌百媚初含酒惱殺多情香噴噴
雙靨盈盈回首傾國傾城千金莫惜蘭蕙應難
友沈郎拚了為花一味銷瘦

滿庭芳荷

竹颭斜梢荷傾餘瀝晚風初到南池雨收池上
高柳亂蟬嘶冉冉蓮香滿院夕陽映紅浸庭闌
涼生到碧瓜破玉白酒酌玻璃思量浮世事
枯榮辱寵歡喜憂悲算勞心勞力得甚便宜粗
有田園笑傲揀些個朋友追隨好時景莫教挫
過撞著醉如泥

又對景

紅藕洲塘黃葵庭院清風時動清颺素純輕颺
涼色爽征衣一一光陰日月關情處前事難期
空疑想臨鸞有恨誰與画新眉 刀頭心寸折
江南厚約惟是儂知念默歌停舞冷落屏幃何
日朱籠鸚鵡迎門報金勒東歸羅絃管合歡聲
裏爛醉玉東西

好事近 雨過對景

山路亂蟬吟聲隱茂林脩竹恰值快風收雨過
荷香芬馥 破除愁慮酒宜多把酒再三囑遙
想溪亭瀟灑稱晚涼新浴

虞美人 雙蓮

二喬姊妹新粧了照水盈盈笑多情相約五湖
遊似向羣花叢裏騁風流 丁香枝上千千結
怨惹相思切爭如特地嫁黑風吐盡芳心點點

絳唇紅

醉蓬萊 新荔校

正火山槐夏黛葉細枝荔子新摘千里馳驅薦
仙源佳席浪比龍睛未輸崖蜜燦爛然紅摘滿
貯彫盤纖纖素手丹苞新擘 梨栗麗疎帶酸
橘柚凡品多般總羞標格何似濃香洗煩襟仙
液為愛真妃再三珍重價傾城傾國玉骨冰肌
風流醞藉直宜消得

又 端午

見浴蘭纔罷拂掠新粧巧梳雲髻初試生衣恰
三裁貼體艾虎宜男未符辟惡好儲祥納吉金
鳳釵頭應時戴了千般乞戲 柳更慙勤再三
祝願闌巧合歡彩絲纏臂刻玉香蒲泛金觥迎
醉午日薰風楚詞高詠度遏雲聲脆赤口白舌
從今消滅諸餘可意

賀新郎 初夏

篆縷銷金鼎翠沉沉庭陰轉午晝長人靜芳艸
王孫知何處只覩楊花糝徑正玉枕舊騰初醒

門外殘紅春去也悶無聊宿酒厭厭病雲鬢
未權整一江南舊事休重省但今朝尋消問息
塞鴻難倩月滿西樓凭欄處暗數歸期未定又
只恐瓶沉金井嘶騎不來銀燭暗枉教人立盡
梧桐影誰伴我照鸞鏡

踏莎行

涼夜

樹影將圓林梢不動汗珠挹透紗衣重荷風忽
送雨飛來晚涼習習生幽夢珠箔高鈞瑤琴
閒弄移樽邀取嬋嬋共今宵拚著醉眠呵夜香
闌早添金鳳

醉落魄

重午

淡粧濃抹西湖人面兩奇絕菖蒲角黍家家節
水戲魚龍十里畫簾揭凌波無限生塵穢水
肌瑩徹香羅雪遊船且莫催歸楫遮莫黃昏天
外有新月

卜算子

亭上

新月挂林梢暗水鳴枯沼時見疎星落画簷幾
點流螢小歸意了無多故作連環遠欲寄新
詩問採菱水澗煙波渺

阮郎歸

送別有感

東城沙軟馬蹄輕清和雨乍晴柳陰曲徑泣流
鶯淒涼不忍聽休苦怨莫悲鳴何須雨淚傾
但將巧語寫心誠東君肯薄情

蝶戀花

夏初

亂疊青錢荷葉小濃綠陰陰學語雛鶯巧小樹
飛花芳徑草堆紅靚碧於中好梅子弄黃枝
上早春已歸時戲蝶遊蜂少細把新詞纔和了
雜聲已喚紗窗曉

鷓鴣天

夜釣月橋

新晴水映藕花紅烘人暑意晚來濃笑攜纖手
橋東路揚柳青青一徑風深翠裏豔香中雙
鸞初下盞珠宮月籠粉面三更露涼透蕭蕭一

夢中

江神子

夜涼對景

綠雲飛盡楚天空碧溶溶一簾風吹起荷花香
霧噴人濃明月淒涼多少恨恨難許我情鍾
相思魂夢幾時窮洞房中憶從容須信別來應
也斂眉峰好景良宵添悵望無計與一樽同

新荷葉

詞

冷徹蓬壺翠幃鼎生香十頃琉璃望中無限
清涼遮風掩日高低襯密護紅粧陰陰湖裏美
他雙浴鴛鴦 猛憶西湖當年一夢難忘折得
曾將蓋雨歸息如狂水雲千里不堪更回首
思量而今把酒為伊沉醉何妨

臨江仙

詞

簾幙清風灑灑園林綠陰坐坐練花開遍麥秋
時雨深芳艸渡蝴蝶正慵飛 顛顛三春心事
風流一弄金衣韶光老盡起深思日長庭院裏

徙倚聽催歸

朝中措

詞

荷錢浮翠點前溪梅雨日長時恰是清和天氣
雕鞍又作分攜 別來幾日愁心折針線小蠻
衣羞對綠陰庭院啣泥燕燕于飛

減字木蘭花

詞

柳絲搖翠翠幄籠陰無限意不絆行舟只向江
邊絆客愁 月明風細分付一江流去水嬌眼
傷春誰是章臺欲折人

卜算子

夏日送吳主簿

執手送行人水滿荷花浦舊恨新愁不忍論淚
壓瀟瀟雨 行計已匆匆無計留伊住一點相
息萬里心誰怕關山阻

臨江仙

詞

柳上斜陽紅萬縷烘人滿院荷香晚涼初浴略
梳粧冠兒輕替枕衫子染鴛黃 蓄意新詞輕

緩唱慇懃滿捧瑤觴醉鄰日月得能長仙源正
閒散伴我老高唐

雨中花令 初夏 遠思

綠鎖窗紗梧葉底麥秋時曉寒情起宿酒厭厭
殘香冉冉渾似那時天氣 別日不堪頰屈指
回頭早一年不啻搔首無言欄干十二倚了又
還重倚

畫堂春 並下遊西 湖有感

湖光霽雨碧連天遠堤映草芊芊舞風揚柳欲
嘶綿依依起翠煙 還是春風客路對花空負
嬋娟暮寒樓閣碧雲間羅袖成斑

浣溪沙 夜涼 小飲

露挹新荷撲鼻香惱人更漏響浪浪柳梳斜月
上紗窗 小醉耳邊私語好五雲樓閣羨劉郎
酒闌燭暗斷回腸

西江月 遊蔡堅老忠 孝堂觀書

水滿平塘過雨洗粧紅褪芙蓉綠荷美影蔭龜
魚無限閣中景趣 瀟洒高堂遠館鄰堪左右
圖書凌雲賦得似相如多少風流態度

卜算子 四明別 周德遠

閒路踏花來閒逐清和去來去雖然總是閒多
少傷心處 紅碧好池塘朱綠深庭戶隨分山
歌社舞中且樂陶陶趣

清平樂 忠孝堂西過荷花藕然晚 晴可人因呈李宜山同舍

水鄉清楚襟袖銷袪暑綽約藕花初過雨出浴
揚妃無語 葡萄滿酌玻璃已拚一醉酬伊浪
捲夕陽紅碎池光飛上簾幃

又 初夏 舞宴

清和時候底事休支瘦滿酌流霞看舞袖步步
錦綉紅皺 六么舞到虛催幾多深意徘徊拚
了明朝中酒為伊更飲瓊盃

浣溪沙 初夏

霧透龜紗月映欄
麥秋天氣怯
衣單練花風軟

西江月 夏曰有感

曉來寒 嬾起麝煤重
換火喚香濃處
斂眉山

穩唱巧翻新曲
靈犀密意潛通
荷花香染晚來

眼波橫漫綠雲鬢

風相對恍然如夢
有恨眉尖
嫩碧多情酒暈

又 初夏有感

生紅此愁不是等閒濃
應為仙源傾動

薄霧輕陰釀曉寒
起來宿酒尚醺顏
柳絮何事

浣溪沙 初夏

苦關關 新恨舊愁俱喚起
當年紫袖看弓彎

睡起風簾一派垂
失巢燕子傷人飛
日長深院

淡和梅雨兩潛潛

委香泥 綠笋出林翻錦籜
紅葵著雨褪胭脂

鷓鴣天

初夏試生衣而送柳枝素扇索詞因作此書于扇上

微風度竹入輕衣

牙領番騰一線紅
花兒新樣喜相逢
薄紗衫子

蝶戀花 和任路分荷花

輕籠玉削玉身材
瘦怯風 人易老
恨難窮翠

憶昔臨平山下過
無數荷花照水無
纖黠短艇

屏羅幌兩心同
既無閒事縈懷抱
莫把雙蛾皺

直疑天上坐
醉眠花裏香無那
雨浥紅粧嬌

碧峰

娜娜脉脉含情欲向風
前破莫道晚來風景可

菩薩蠻

初夏

青房著子千千顆

方池新漲蒲萄綠
曉來雨過花如浴
測測杏園

浣溪沙 為王參議壽

風梢頭一颯紅
危樓愁獨倚
一寸心千里宿

密葉陰陰翠幃深
梅黃弄雨正頻頻
榴花照眼

酒尚微醺懶裝堆髻雲

一枝新 緜嶺有人今毓粹
飛鳧不日遶嚴宸

一樽敬壽太夫人

又呈起
狀元

雨過西湖綠漲平
環湖密柳暗藏鶯
麥秋天氣似清明
對策有人新切直
逢春不日盡施行
扁舟未用速歸程

青玉案

懸波
懸春

結堂雄占雲煙表
萬象爭呈巧
老木參天溪西
遠亂山橫秀一湖
澄照天付陰晴好
夜空喚客清樽倒
明月飛來上林杪
涼滿九霄風露浩
酒慵起舞一聲清嘯
平壓波聲小

又

恍如遼鶴歸華表
閱盡人間巧
天乞一堂山對
遠微波不動岸中
特照見星星好
舞風荷蓋從欵倒
碧樹生涼自天杪
誰識元龍胃次浩
騎鯨欲去引盃獨嘯
醉眼青天小

謁金門

一雨掃酒暑
白塵
玉友
醉飽
困次韻

今夜雨掃盡一番
袪暑宛似瀟瀟
鳴遠浦短蓬
何日去
自灑床頭玉
甌清興有誰知
否反笑功名能幾許
槐宮非浪語

惜香樂府卷四

惜香樂府卷五

秋景

念奴嬌

客懷章秋
雨懷歸

江城向曉被西風揉碎一天絲雨亂織離愁千
萬縷多少關心情緒促織鳴時木犀開後秋色
還如許那堪飄泊異鄉千里孤旅 應想簾幙
閒垂西樓東院齊把歸期數記得臨歧收淚眼
執手叮嚀言語白酒紅萸黃花綠橘莫等閒辜
負朱籠騎甚時先報鸚鵡

又秋日
牡丹

花王有意念三秋寂莫淒涼天氣木落煙深山
霧冷不比尋常風味勒駕剛來柳蒲顛顛無限
驚心事仙容香豔儼然春盛標致 雅態出格
天姿風流溫藉羞殺巖前桂寄語芙蓉臨水際
莫誇芳顏妖麗一朵凭欄千花退避懶得騷人
醉等閒風雨更休僣憇容易

聲聲慢

古詞
生吳

金風玉露綠橘黃橙商秋爽氣飄逸南斗騰光
應是問生賢出照人紫芝眉宇更仙風誰能儔
匹細屈指到小春時候恰則三日 莫論早年
富貴也休問文章有如椽筆堯舜逢君故沃定
知多術而今且張錦幄麝煤泛暝香鬱鬱華堂
裏聽瑤琴輕弄水仙新律

瑞鶴仙

張炎
生吳

西風蘋末起動院落清秋新涼如水纖歌遏雲
際正美人翻曲陽春輕麗蘭衣玉佩擁南斗光
中一醉有邦人萬口同聲贊嘆我公愷悌 百
里年豐穀稔事簡刑清頌聲盈耳鵬程九萬摩
空展垂天翼定丹書飛下彤輝歸去秘略家傳
小試看封留亘古功名未容退避

滿庭芳

雨洗長空風清雲路又還準備佳期夜涼如水

一似去秋時渺渺銀河浪靜星橋外香篝緜緜
電輶舉鸞駉馭穩穩過飛梯 經年成間阻
相逢無語應喜應悲怕玉繩低處依舊睽離和
我愁腸萬縷嫦娥怨底事來遲廣寒殿春風挂
兔首與慰相思

水調歌頭

秋

今夕知何夕秋色正平分嫦娥此際底事越樣
好精神已是天高氣肅那更清風灑灑萬里沒
纖雲把酒臨風飲酒面起紅鱗 歌一曲舞一
曲捧金樽從他妄想老兔顛顛正紛紛我為桂
花拚醉明日扶頭不起顛倒白綸巾天若知人
意夜雨莫傾盆

暮山溪

德古人詩云為城風雨近重陽因此詞

滿城風雨又是重陽近黃菊媚清秋倚東籬商
量開盡紅萸白酒景物一年年人漸遠夢還稀
贏得無窮恨 釵分鏡破一一開方寸強醉欲

消除醉魂醒淒涼越悶鴛鴦宿債償了惡因緣
當時事祇今愁斑盡安仁鬢

洞仙歌

宋

菱荷已老菊與芙蓉未一夜秋容上巖桂間繁
蕪嫩黃染就瓊瑰開未足已早香傳十里 從
前分付處明月清風不用斜暉照佳麗嘆浮花
徒解吃淺白深紅爭似我滿酒堆金積翠看天
濶秋高露華清見標致風流更無塵意

虞美人

中秋無月

西風明月臨臺榭準擬中秋夜一年等待到而
今為甚今宵陡頓却無情 姮娥應怨孤眠苦
取次為雲雨素蟾特地暗中圓未放清光容易
到仙源

醉蓬萊

七月命赴瀛洲蓬萊主人饒于法因寺侍兒才童乞詞因此賦之題

正金風無露玉宇生涼楚郊無暑催起行人恰

槐黃時序萬里晴霄幾人爭靚快鷗搏一舉明
月圓時素秋中夜凌雲新賦 柳夏淵源詞鋒
無語一任側耳與心傾是我
不卿卿更有誰可卿卿

感皇恩 送什 蘇尉

碧水浸芙蓉秋風楚岸三歲光陰轉頭換且
都騎未許匆匆分散更持盃酒慙慙勤 休作
等閒別離人看且對笙歌醉須拚如君才調掌
得玉堂詞翰定應不久勞州縣

洞仙歌 秋 茂

黃花滿地庭院重陽後天氣凄清透襟袖動離
情最苦旅館蕭條那堪夏風剪凋零飛柳 臨
岐曾執手祝付叮嚀知會別來念人否為多情
生怕分離秋知道準擬別來消瘦甚苦苦促裝
赴歸期要趁他橘綠橙黃時候

瑞鶴仙 秋 茂 有感

敗荷擎沼面紅葉舞林梢光陰何速碧天靜如
水金風透簾幙露清蟬伏追思往事念當年悲
傷宋玉漸危樓向晚魂銷處倚遍闌干曲 凝
目一霎微雨塞鴻聲斷酒病相續無情賞處金
井梧東籬菊漸蘭燒歸去銀蟾滿夜水村煙渡
怎宿負伊家萬愁千恨甚時是足

夏雲峯 初秋 有作

露華清天氣爽新秋已覺涼生未戶小窗坐來
低按秦箏幾多妖豔都總是白雪餘聲柳夏玉
肌膚韻勝體段輕盈 照人雙眼偏明况周郎
自來多病多情把酒為伊再三著意須聽銷魂

臨江仙 送宜 春令

萬里西風吹去柿滿城無奈離情甘棠也似戴

自來多病多情把酒為伊再三著意須聽銷魂

公深曉來風露裏葉葉做秋聲 十載兩番還
愛在須知愁滿宜春楚天低處是歸程夕陽疎
雨外莫遣亂蟬鳴

又 秋日有感

楓葉白蘋秋未老晚風吹泛輕艖青山瀝瀝水
茫茫情隨流水遠恨逐算山長 一點相思千
點淚眼前無限情傷佳人猶自捧離觴陽關休
唱徹唱徹斷人腸

鷓鴣天

深秋悲感

亭樹蕭蕭生暮涼安排清夢到胡床楚山楚水
秋江外江北江南客恨長 蘋渚冷橘汀黃斷
魂殘夢更斜陽欲將此日悲秋淚灑向江天哭
楚狂

驀山溪

秋日賀張公生辰

木犀開了還是生辰到一笑對西風喜人與花
容俱好壽筵開處香霧撲簾幃篔簹秦星河曉

拚取金罍倒 當年仙子容易拋蓬島月窟與
花期要同向人間不老枯枝弄葢此樂幾時窮
一歲裏一番新莫與蟠桃道

水調歌頭

重陽

江水浸雲影鴻雁欲南飛攜壺結客何處空翠
渺煙霏塵世難逢一笑況有紫萸黃菊須插滿
頭歸風景今朝是身世昔人非 酬佳節須酌
酌莫相違人生如寄何用辛苦怨斜暉無盡今
來古往幾許春花秋月郵更更有危機問取牛山
客何事獨沾衣

踏莎行

木犀

弄影闌干吹香巖谷風亭慘作黃金屋未須收
拾入熏爐窗前細把離騷讀 奴僕葵花兒曹
黃菊一秋風味淒涼足旁邊只少箇嫦娥分明
勝在蟾宮宿

臨江仙

初秋

獵獵風蒲初暑過蕭然庭戶秋清野航渡口帶

煙橫晚山千萬疊別鶴兩三聲 秋水芙蓉聊

蕩棹一樽同破愁城蓼花灘上白鷗明算雲連

極浦急雨暗長汀

醉落魄 秋夜感懷

傷離恨別愁腸又似丁香結不應斗頓音書絕

煙水連天何處認紅葉 殘更數盡銀缸滅邊

城畫角聲嗚咽羅衾淚滴相思血花影移來搖

碎半窗月

好事近 秋殘

初過菊花天餞送月宮仙客丹桂拒霜濃淡映

眉間黃色 紅裙歌夜飲離觴努力赴勅敵惟

願捷書來到道一聲都得

菩薩蠻 七

綺樓小小穿針女秋光點點蛛絲雨今夕是何

宵龍車烏鵲橋 經年謀一笑豈解令人巧不

用問如何人間巧更多

卜算子 秋深

涼夜竹堂空小睡昏昏醒庭院無人月上階滿

地欄干影 何處最知秋風在梧桐井夜半驀

鸞弄玉笙露溼衣裳冷

點絳脣

蓼岸西風小舟江上漁歌唱倚欄凝想羅幕雲

垂帳 好事因循寂寞閒惆悵如何向又來心

上空向高亭望

好事近 秋晚

浙浙蓼花風怪道曉來淒惻翻見密雲拋雨動

一山秋色 從前多感為傷時無處頓然寂箇

事已寒前約祇晚陰凝碧

思越人 向制而令非秋日感懷

情難托離愁重悄愁沒處安著那堪夏一葉知

秋天色兒漸冷落 馬上征衫頻搵淚一半斑

斑污却別來為憶叮嚀話空贏得瘦如削

小重山

秋雨

一夜西風響翠條碧紗窗外雨長涼
颼潮來綠漲水平橋添清景疎
雨韻入芭蕉坐久篆煙銷
多情人去後信音遙即今消瘦沈郎
腰悲秋切虛度可人宵

採桑子

桂岩

去年岩桂花香裏著意非常月
在東廂酒與繁華一色黃
今年盃酒流速處銀燭交光
往事難忘待把真誠問阿郎

朝中措

曾孫行子與之往還一日作樓于南山仙源神賞中作詞書于壁

坐前數妓乞詞而歌以勸大白因有所感再和前韻○秋景

柳林羃羃草煙斜秋水淺平沙
樓外碧天無際紫山斷處橫霞
星稀漸覺東簷隱月涼到窗
紗多少傷懷往事隔溪燈火人家

又和

征帆一縷轉彎斜驚鷺起汀沙
點點隨風逆上滿江飛破殘霞
樓前光景樓心紅粉蟬翼輕
紗却憶錢塘江上曲欄橫檻他家

洞仙歌

東園來去年三兄弟同處十年俱取齋為故余與之為莫逆交園有岩桂數畝至秋日花開月滿猶金來賞如到廣寒宮殿因賦此

廣寒宮殿不在人間世分付天香與岩桂向西
風搖曳處數十里知聞金翠裏別有出羣標致
東園盛事五畝濃陰必以詩書取榮貴況
一門三秀才未足欽崇邨要是異姓同居兄弟
更細把繁英祝姮娥看禹浪飛騰定應來歲

似娘兒

或刻青杏兒○晚秋

橘綠與棖黃近小春已過重陽晚來一霎霏微
雨單衣漸覺西風冷也無限情傷孤館最淒涼
天色兒苦恁恹恹離愁一枕燈殘後睡來不
是行行坐坐月在迴廊

蝶戀花

秋深

一夢十年勞憶記社燕賓鴻來去何容易宿酒

半醒便午睡芭蕉葉映紗窗翠 靚粉泥書雙

合字鸞鳳鴛鴦總是雙雙意已作吹簫長久計

鴛鴦恐有中宵淚

夜行船 送胡彦直

淚眼江頭看錦樹別離又還秋算細水浮浮輕

風冉冉穩送扁舟去 歸去江山應得助新詩

定須多賦有雁南來槐溪千萬寄我驚人句

清平樂 秋

鴻來燕去又是秋光暮冉冉流年嗟暗度這心

事還無據 寒窗露冷風清依魂幽夢頻驚何

日利名俱賽爲子笑下愁城

又

秋容眼界隨寓渾堪愛遼岫連天橫淡靄望斷

孤鴻飛外 夕陽紅樹林桐重重錦障橫陳一

段江南景色倩誰爲下丹青

一剪梅 感悲

靄靄迷空曉未收鸞館殘燈永夜悲秋梧桐葉

上三更雨別是人間一段愁 睡又不成夢又

休多愁多病當甚風流真情一點苦繁人纒下

眉尖恰上心頭

南歌子 題中負

此日知何日他鄉憶故鄉亂山深處過重陽走

馬吹花無復少年狂 黃菊擎枝重紅茱溼露

香扁舟隨雁過瀟湘遙想萊庭應恨不同腸

醉花陰 建康

老去悲秋人轉瘦更異鄉重九人意自淒涼抵

有茱萸歲歲香依舊 登高無奈空搔首落照

歸鴉後六代舊江山滿眼興亡一洗黃花酒

菩薩蠻 秋雨

西風轉柂蒹葭浦客愁生怕秋關雨衾冷夢魂

驚聲聲滴到明 不眠欹枕聽故故添新恨新

恨有誰知天寒雁正稀

又 秋老
江行

炊煙一點孤村迥
嬌雲斂盡天容淨
雁字忽橫秋
秋江瀉客愁
銀鈎空寄恨
恨滿憑誰問
袖手立西風
舟行秋色中

浣溪沙 早秋

雨滴梧桐點點愁
冷催秋色上簾鈎
蛩聲何事早知秋
一夜涼風驚去燕
滿川晴漲漾輕鷗
懷人千里思悠悠

惜香樂府卷五

惜香樂府卷六

冬景

滿庭芳

十月念六日大雪作此呈社人

晚色沉沉雨聲寂莫夜寒初凍雲頭曉來皆砌
一匙冷光浮目斷江天靄靄低迷映綠竹修修

多才客高吟柳絮還夏上層樓

烹茶新試水

人間清楚物外遨遊勝似他銷金暖帳情柔細
看流風迴舞終日價淺酌輕謳黯黯地美人翻
曲消盡古今愁

御街行

夜雨

晚來無奈傷心處見紅蕖隨風舞解鞍還向亂
山深黃昏後不成情緒先來離恨打疊不下天
氣還淒楚風兒住後雲來去裝換些兒雨無
眠托首對孤燈好語向誰分付從來煩惱嚇得
膽碎此度難擔負

有有令

歲

前山減翠疎竹度輕風日移金影碎還又年華

算看看是新春至那更堪有個人人似花似玉

溫柔伶俐準擬恩情乞戲拈弄上則人難比

我也埋根豎柱你也爭些氣大家一捺頭地美

中更美厮守定莫伊百歲

一剪梅

或詞梅破鏡
後兒口梅詞

樹頭紅葉飛都盡景物淒涼秀出羣芳又見江

梅淺淡粧也囉真個是可人香蘭魂蕙魄應

羞死獨占風光夢斷高堂月送疎枝過女牆也

囉真個是可人香

臨江仙

日暮舟中月明天
甚遠空舟對爐

日欲低時江景好暮山紫翠重重釣筒收盡碧

潭空一舸霜夜月兩岸蒹葭花風遙憶煖春新

向火黃昏下了簾攏水村漁浦艤孤蓬單衾愁

夢斷無夢轉愁濃

南歌子

夜

霜結凝寒夜星輝識曉晴蘭膏重別且教明爲
照梢頭香縷一絲輕 坐久看看因新詞綴未
成梅花熏得酒初醒更向耳邊低道月三更

永遇樂

雷詞

宵露珠零濺冰花薄凝瑞偏早月練輕翻風刀
碎剪青女呈纖巧微丹楓纈低擢蕉尾不覺半
池蓮倒最好是千林橘袖輕黃一村封了 佳
人指冷暗驚羅幙一夜斜飛多少怕倚銀屏愁

看玉砌金菊鮮鮮曉傷嗟傅粉佳期還未何處
冷沾衣透爭知人臨鸞試罷與梅共瘦

玉蝴蝶

雪詞

片片空中剪水巧粧春色照耀江湖漸覺花毡
轉柳夾陣飛榆散銀盃時時逐鳥翻縞帶一一
隨車偏簾隅寒生水筋光剗明珠 應須淺斟
低唱檀垂紅帳獸焚金爐更向高樓縱觀吟醉
謝娘扶靜時聞竹聲崑谷漫不見禽影江湖儘

躊躇歌闌寶玉賦就相如

瀟湘夜雨

詞燈

斜點銀缸高擎蓮炬夜寒不奈微風重重縹緲
掩堂中香漸遠長煙裊裊光不定寒影搖紅偏
奇處當庭月暗吐焰如虹 紅裳尾豔麗娥一
見無奈狂蹤試煩他纖手捲上紗籠開正好銀
花照夜堆不盡金粟凝空叮嚀語頻將好事來
報主人公

念奴嬌

夜寒有感

據爐肅坐聽瓶笙別有天然宮徵紙帳屏山渾
不俗寫出江南煙水榮短燈青灰閉香軟所欠
惟梅矣風飛無定數聲時顫窗紙 試問夜已
何其呼童起看月上東牆未天外忽聞征雁過
還把音書來寄短笺埋煙輕簑鳴雨已辦征舩
計放教歸去故鄉江上魚美

似娘兒

詞燈 似娘兒 詞燈 似娘兒

又是兩分攜顛顛損看怎醫治煙村一帶寒紅
遶悲風紅葉殘陽暮草還似年時 愁緒暗猶
夷謾屈指數遍歸期短繁燈燼無人問此時只
有窗前素月剛伴相息

柳梢青 過何郎石
見早梅

雲晴天低楓林凋翠寒雁聲悲市店兒前竹籬
巴後初見橫枝 盈盈粉面香肌記月榭當年
見伊有恨難傳無腸可斷立馬多時

祝英臺近 武陵寺燒
紅譜

記臨岐銷黯處離恨慘歌舞恰是江梅開過小
春算斷腸一曲金衣兩行玉筋酒闌後欲行難
去 惡情緒因念錦幄香奩列來負情素冷落
深闌知解怨人否料應實悲慵彈露華嬾傳對
鸞鏡終朝凝竚

點絳脣 夜飲青雲樓酒愛屬近如
秋寒因思別事追念故作

瓦溼鴛鴦夜深霜重江風冷月華明映清浸梅

梢粉 漏斷寒濃惹起當年恨君休問雁飛欲
盡沒個南來信

又

當日相逢枕衾清夜紗窗冷翠梅低映汗溼香
腮粉 美滿風情結下無窮恨憑誰問此心難
盡說與他爭信

又 行樂
在城

雪霽山橫翠濤擁起千重恨砌成愁悶那更梅
花褪 鳳管雲笙無不縈方寸叮嚀問淚痕羞
搵界破香腮粉

柳梢青 東園
雪後

千林落葉聲聲悽慘江皋雁飛難似玉肌總驚
花貌壓倒芳菲 香心吐盡因誰料調鼎工夫
易期休唱陽關莫歌白雲雨淚沾衣

西江月 雪江見行
梅對酒

背日猶餘殘雪向陽初綻紅梅臘寒邴事更相

宜醉了還醒又醉 堪笑多愁早老管他閒是
閒非對花酌酒兩忘機唱個哩謔囉哩

眼兒媚 霜夜

一鈞新月照西樓清夜悠悠那堪更被征鴻
嘹唳絆惹離愁 倚闌不語情如醉都總寄眉
頭從前只為惜他伶俐舉措風流

別怨 霜寒

嬌馬頻嘶曉霜濃寒色侵衣臥帷私語處翻成
離怨不勝悲更與叮嚀祝後期 素約諧心事
重來了比看相思如何見得明年春事濃時穩
棄金鞍裹來攔醉玉東西

減字木蘭花 冬百飲別 趙德遠

小春天氣未唱陽關心已醉紅蓼秋容後會何
時得再逢 婦朝好事仰看皇州揚雨露百里
恩波擬欲留公無奈何

好事近 後趙知承 席上作

去路馬蹄輕正是小春時節愛日煖煖江樹綴
梅梢新雪 范滂攬轡正澄清知我公剛潔分
此仁風愷悌濟鄰邦歡悅

霜天曉角 霜夜

閣兒幽靜處圍爐面小窗好是闌頭兒坐梅煙
炷返魂香 對火怯夜冷猛飲消漏長飲罷且
收拾睡斜月照滿簾霜

鷓鴣天 天 隔

寶篆龍煤燒欲殘細聽銅漏已更闌紗窗斜月
移梅影特地籠燈仔細看 幽夢斷舊盟寒那
時屈曲小屏山風光得似而今不肯把花枝作
等閒

驀山溪 和曹元龍 歐梅韵

玉妃整佩絳節參差御一笑喚春回正江南天
寒歲暮孤標獨立占斷世間香雲屋冷雪籬深
長記西湖路 人間塵土不是留花處羌管一

聲催碎瓊瑤紛紛似雨枝頭著子聊與世調羹
功就後盍歸休還記來時不

浣溪沙 梅賦

雪壓前邨曲徑迷萬山寒立玉參差孤舟獨釣
一簑歸 別塢時聽風折竹斷橋閒看水流漸
一枝凍蘂出疎籬

又 初冬

風捲霜林葉葉飛雁橫寒影一行低淡煙衰草
不勝詩 白酒已驚浮蟻熟黃雞未老薰頭肥
問儂不醉待何時

又 勝梅

憶為梅花醉不醒斷橋流水去無聲鶯翹沙嘴
亦多情 疎影臥波波不動暗香浮月月微明
高樓羌管未須橫

點絳脣 夜月

離緒千重角聲偏著羈人枕那堪酒醒勾引愁

難整 門鎖黃昏月浸梅花冷人初靜斗坐天
迥雁落清江影

鷓鴣天 霜夜

門外寒江泊小舩月明留客小窗前夜香燒盡
更聲遠斗帳低垂煖意生 釀著酒炙些燈伴
他針線懶成眠情知今夜鶯鶯夢不似孤蓬宿
雁邊

望江南 霜天有感

山又水雲岫插峰巒斷雁飛時霜月冷亂鴉啼
處日啣山疑在画圖間 金烏轉遊子損朱顏
別淚盈襟雙袖溼春心不放兩眉閒此去幾時
還

玉樓春 月賦

尋真誤入桃源洞草草幽歡聊與芙蓉隴風月
此時情做造溪山今夜夢 柳條未放金絲弄
梅萼已經霜雪凍新來愁恨重如山不信馬兒

駝得動

鵲橋仙寒梅

溪清水淺霜明月淡玉破梅梢未遍寒枝纖瘦
乃如無但空裏飛花數片 蔡風欲去凌波難
駐惟見紅愁粉怨夜深青女溼霓裳暗香在廣
寒宮殿

菩薩蠻

初冬旅息

楓林颯颯凋寒葉汀蘋敗蓼遙相接景物已非
秋淒涼動客愁 還家貧亦好肯厭盃中草香
飯滑流匙三登快樂時

又

霜天旅息

霜風颯颯溪山碧寒波一望傷行色落日淡荒
村人家半掩門 孤舟移野渡古木棲鴉聚著
雨晚風酸貂裘不奈寒

又

初冬

敗荷倒盡芙蓉老寒光黯淡迷衰草行客易銷

魂笛飛何處村 雲寒天借碧樹瘦煙籠直若
個是鄉關夕陽西去山

阮郎歸

客中見梅

年年為客遍天涯夢遲歸路賒無端星月浸窗
紗一枝寒影斜 腸未斷鬢先華新來瘦轉加
角聲吹徹小梅花夜長人憶家

霜天曉角

梅詠

香來不歇誰把南枝折的礫疎花初破都因是
夜來雪 清絕十分絕孤標難細說獨立野塘
清淺誰作半空夜月

又

梅和

雪花飛歇好向前村折行至斷橋斜處寒蘆瘦
不禁雪 韻絕香更絕歸來人笑說最愛夜堂
深迥疎影占半窗月

菩薩蠻

初冬旅中

客帆卸盡風初定夜空霜落吳江冷幸自不思

歸無端鳥夜啼 雞鳴殘月落到枕秋聲惡有
酒不須斟酒深愁轉深

憶秦娥

初冬

寒蕭索征鴻過盡離懷惡離懷惡江空天迥夜
寒楓落 有人應誤刀頭約情深翻恨郎情薄
郎情薄夢回長是半床閒却

如夢令

漢上
晚步

何處一聲鳴鶻驚起滿川寒鷺一著西難成雪
霽亂山無數且住且住數遍溪南煙樹

惜香樂府卷六

惜香樂府卷七

總詞

水龍吟

仙源居士有武林之行因與一二友攜酒賞月飲于縣橋之中乃即

事為之詞

危樓橫枕清江上兩岸碧山如画夕煙羅幕晚
燈點點樓臺新夜明月當天白沙流水冷光連
野漫欄千萬頃琉璃軟皺打漁艇相高下何
處一聲羌管是誰家倚樓人也多情對景無言
有恨欲歌還罷把酒臨筵阿誰知我此懷難寫
忍思量後夜芳容不似暗塵隨馬

水調歌頭

元日客寧都

離愁晚如織托酒與消磨奈何酒薄愁重越醉
越愁多忍對碧天好夜皓月流光無際光影轉
庭柯有恨空垂淚無語但悲歌因凝想從別
後促雙蛾春來底事孤負紫袖與江鞦韆整雕
鞍歸去著意淺斟低唱細看小婆娑萬葦千花

裏一任玉顏駝

水龍吟

江樓席上歌姬盼盼翠鬟倚樽酒行彈琵琶曲舞梁州醉語對之

酒潮勻頰雙眸溜美映遠山橫秀風流俊雅嬌
癡體態眼前稀有蓮步彎彎移拍裏凌波難
偶對仙源醉眼玉纖籠巧撥新聲魚紋皺我
自多情多病對人前只推傷酒瞞他不得詩情
嬾倦沈腰銷瘦多謝東君慇懃知我曲翻紅袖
拚來朝又是扶頭不起江樓知不

念奴嬌

江寧有作

夕陽低盡望楚天空闊稀星簾幙暮靄橫江煙
萬縷照水參差樓閣兩兩三三樓前歸鷺飛過
欄干角霜風何事遠檐吹動寂寞消散我已
忘機而今百念灰了心頭火對酒當歌渾冷淡
一任他憑嗔惡松竹園林柳梧庭院自有人間
樂閒雲休問去來本是無著

水調歌頭

懷遠

貪癡無了日人事沒休期白駒過隙百歲能得
幾多時自古腰金結綬著意經營辛苦回首不
勝悲名未能安穩身已致傾危 空剗剗休巧

詐莫心欺須知天定只見高塚與新碑我已從
頭識破贏得當歌臨酒歡笑且隨宜較甚榮和
辱爭甚是和非

水龍吟

白遣

驟會著意斟量過天下事無窮盡貪榮貪富朝
思夕計空勞方寸躡足封王功名蓋世誰如韓
信更堆金積玉石崇豪侈當時望傾西晉 長
樂宮中一嘆又何須繫懸印吹樓效死輕車東
市頭膏血乃尤物虛名於身何補一齊休問遇
當歌臨酒舒眉展眼且隨緣分

暮山溪

午未盡天小霄風傳是楚有賦而作

壺天水雪消盡虛堂暑多謝故人風送花香
傳小樹香風初過一曲斷腸聲如怨訴訴悶愁

落落琵琶語 江邊馬上彈指成千古淚眼與
啼粧嘆風流只今何處芳心役損觸事起悲酸
招玉素撥檀槽整理金衣縷

念奴嬌

席上

精神俊雅愛邨堪天與風流標格羅綺叢中偏
豔冶偷處教人怜惜目剪秋波指纖春筍新樣
冠兒直高唐雲雨甚人有分消得 忙戲笑裏
含羞回眸低盼此意誰能識密約幽歡空悵望
何日能諧端的玳席歌餘蘭堂香散此際愁如
織人歸空對晚陰庭樹橫碧

瑞鶴仙

瑞寧都園成寄懷香譜院

無言屈指也算年年底事長為旅也恹惶受盡
也把良辰美景總成虛也自嗟嘆也這情懷如
何訴也謾愁明怕暗單栖獨宿怎生禁也 閒
也有時臨鏡漸覺形容日銷減也光陰換也空
辜負少年也念仙源深處喚香小院贏得群花

怨也是虧他見了多教罵幾句也

驀山溪

懷遠

無非無是好個閒居士衣食不求人又識得三
文兩字不貪不偽一味樂天真三徑裏四時花
隨分堪遊戲 學些沓拖也似沒意志詩酒度
流年熟諳得無爭三昧風波岐路成敗霎時間
你富貴你榮華我自關門睡

青玉案

德遠歸越因
作此餞行

東門楊柳空盈路繫得征鞍能駐不暗綠枝頭
新過雨柔絲千尺乳鶯百啣似怨行人去 行
人去後知何處去向天邊遙鴛鴦瑤管瓊臺多
雅趣花磚穩上玉堦闌步肯念人塵土

虞美人

江鄉
對景

雨聲破曉催行槳拍拍溪流長綠楊邊岸水痕
斜恰似画橋西畔邨人家 人家樓閣臨江渚
應是停歌舞珠簾整日不閉鈎目斷征帆猶未

識歸舟

又

別送

燈前忍見啼紅面別酒頻斟勸愁娥欲翠不勝
情報道看看天色待平明 慇懃重把陽關唱
休要教人望出門猶自尚叮嚀廝養頻催恰好
赴涼行

臨江仙

楊柳

十里春風楊柳路年年帶雨披雲柔條萬縷不
勝情還將無意眼識遍有心人 餓損宮腰終
不似効顰總是難成只愁秋色入高林殘蟬和
落葉此際不堪論

漁家傲

張中
遠思

客裏情懷誰可表淒涼舉目知多少強飲強歌
還強笑心悄悄從頭徹底思量了 當日相逢
非草草果然恩愛成煩惱穩整征鞍歸去好重
廝守相期待與同偕老

江神子

清遠

當時得意兩心齊
綺窗西共千飛拂
掠宮粧長
與画新眉一自別
來煙水闊愁易積
夢還稀
相逢却似舊家時
恨依依
語低低
多少關情冷
煠有誰知
只此定應諧
素願但指日約鸞棲

御街行

柯山故人別後
岐圖因作此

香薰斗帳相逢乍
正宮漏沉沉夜
月飛梅影上
簾櫳標致風流嬌
雅眼波橫浸照人
百媚無限
叮嚀話 玉鞍門上嘶
歸馬隨行色
難畱也別
來花豔不禁春
浪向東風輕
嫁空餘小院博山
修竹依舊窗兒下

一叢花

和張子野

當歌臨酒恨難窮
酒不似愁濃
風帆正起歸與
岸東西芳草漫茸
茸楚夢乍回
吳音初聽
誰念我孤蹤
藏春小院煠融融
融眼色與心通
烏雲有意重梳掠
便安排金屋
房櫳雲雨厚
因鴛鴦

宿債作個好家風

天仙子

寓意

眼色媚人嬌
欲度行盡巫陽雲
又雨花時還復
見芳姿情幾許
愁何許
莫向耳邊傳好語
往事悠悠曾記否
忍聽黃鸝啼錦樹
啼聲驚碎百
花心分付與誰為
主落盡飛紅知甚處

瑞鷓鴣

遺情

寶篋常見曉粧時
面藥香融傳口脂
擾擾親曾
揅綠鬢纖纖巧
與画新眉
濃歡已散西風遠
憶淚無多為你垂
各自從今好消遣
莫將紅葉
浪題詩

又寓

意

結絲千緒不勝愁
莫怪安仁鬢早秋
檀口未歌
先搵淚柳眉將
欲半凝羞
盃傾漱灑送行酒
岸艤飄飄欲去
舟待得名登天府
後歸來茱菊
映釵頭

行香子 馬上有感

驕馬花驄柳陌經從小春天十里和風箇人家

住曲巷牆東好軒窗好體面好儀容 燭地歌

慵斜月朦朧夜新寒斗帳香濃夢回西角雲雨

匆匆恨相逢恨分散恨情鍾

夜行船 詠美人

龜甲爐煙輕裊簾櫳靜乳鶯啼曉拂掠新粧時

宜頭面繡草冠兒小 衫子揉藍初著了身材

稱就中恰好手撚雙統菱花重照帶朶宜男艸

採桑子 寓意

疎簾乍捲孜孜看冰玉精神體白停勻端的于

人不薄情 更無背約和焦燥各表真誠纔得

相親切莫分張向別人

蝶戀花 登樓晚望聞歌聲清婉而作

閉上西樓候遠望一曲新聲巧媚誰家唱獨倚

危欄聽半餉長江快瀉澄無浪 清淚恰同春

水漲拭盡重流觸事如何向不覺黃昏燈已上
舊愁還是新愁樣

又

天淨姮娥初整駕桂魄蟾輝來趁清和夜費盡

丹青無計画纖纖側向疎桐挂 人在扶疎桐

影下耳畔輕輕細說家常話年少難留應不借

未歌先咽歌還罷

又 望都半歲歸家寄別

葉底蜂衙催日晚向晚勻粧巧画宮眉淺翠幙

無風香自遠金船酌酒須教滿 未說別離魂

已斷雨幌雲屏只恐良宵短心事不隨飛絮亂

宦情肯把恩情換

鷓鴣天 長起忽見大鏡照物思人有感而作

睡覺扶頭聽曉鐘隔簾花霧溼香紅翠搖鈿砌

梧桐影晚透羅襦芍藥風 閉對影記曾逢画

眉臨鏡霎時同相思已有無窮恨忍見孤鸞宿

鏡中

又月夜諸院
飲酒行令

寶篆煙消香已殘
輝媚月色漫欄干
歌喉不作尋常唱
酒令從他各自還
傳盃手莫教閒醉
紅潮臉媚醜顏相
攜共學驂鸞侶
却笑盧郎舊約寒

又賦曰
泛舟遊客有樂居
士髮由者未竟
忽見臨江倚樓人
因學向來有感作此

綠水澄江得勝遊
浪平風軟稱輕舟
樽前我易傷前事
柳外人誰獨倚樓
空感慨惜風流
風流贏得謾多愁
愁多著甚銷磨得
莫怪安仁鬢早秋

又
彈句解更之便
書以寄文翁

一曲清歌金縷衣
巧佼心事有誰知
自從別後難相見
空解題紅寄好詩
憶攜手過堦墀
月籠花影半明時
玉釵頭上輕輕顫
搖落釵頭豈惹枝

眼兒媚

東坡道人
中書子
琴帶

人隨社節去匆匆
此恨幾時窮
陽臺寂寞
巫山淒慘
雲雨成空
芭蕉密處
窗兒下
冷落舊香中
黃昏靜也
蛩聲滿院
明月清風

又

槐陰密處轉黃鸝
午日正長時
一番過雨
綠荷池面冷
漫琉璃
紅塵不到
華堂裏
纖楚對蛾眉
笑笑
假人道
新詞覓個
美底腔兒

又

當年策馬過錢塘
曲徑小平康
繁紅醜白
嬌豔咤燕爭
喚何郎
而今又客東
風裏
渾不似尋常
只愁別後
月房雲洞
啼損紅粧

歸江仙

至坡堂對居士
忽作
身疑或感
管進之語

蓋嫩花房無限好
東風一撮春
工百年歡笑
酒樽同筵吹
雛鳳語
裙染石榴紅
且向五雲深處
住錦衾繡幌
從容如何
即是出樊籠
蓬萊人

少到雲雨事難窮

又

千買一妾情慧教之寫東坡字半年又
工唱東坡詞命者文卿元約三年文卿
下忍拾主殿母不容與謀堅索之去今
失于一雙夫常寄聲或片紙數字問
訊仙源有感

破鑿盈盈巧笑舉盃盪盪迎逢慧心端有謝娘

風燭花香霧嬌困面微紅 別恨綵箋雖寄清

歌淺酌難同夢回楚館雨雲空相思春暮愁滿

綠蕪中

又

夜坐夏深燭盡月明飲興
未闌再酌命諸姬唱一詞

夜久笙簫吹徹夏深星斗還稀醉枯裙帶寫新

詩鎖窗風露燭地月明時 水調悠揚聲美幽

情彼此心知古香煙斷綵雲歸滿傾蕉葉齊唱

傳花枝

惜奴嬌

風水
仙花

洛浦嬌魂怨得到人間少把風流分付花貌六

出精神騰寒射香試到清秀與江梅爭相先後

簷荀籠疎怎似妖燒體調比山樊也應錯道
最是慇懃捧出金盞銀臺拚了仙源與奇葩醉
倒

惜香樂府卷七

惜香樂府卷八

總詞

水龍吟

無情風掠芭蕉響還是重門已閉銀缸獨對相思方切教人怎睡解嘆從前事解嘆了依前驚氣想他家那裏知人顛顛想應是睡也未且恁和衣強寢奈無寐依前重起起來思想當初與你忒煞容易及至而今也半頭天眼不存不濟最消魂苦是黃昏前後冷清清地

水調歌頭賞月

把酒相勞苦月色耀天章水輪碾破寒碧飛入酒樽涼擊節詞人妙句吸此清輝萬丈肺腑亦生光攬袂欲仙舉逸興共天長日邊客懷中俊坐間狂浩歌清嘯恍然雲海渺茫茫喚醒謫仙蘇二何事常愁客少更恐被雲妨月與人長好廣大醉為鄉

水龍吟詞

先來天與精神更因塵景添殊態掩輕冉冉纔疑一段還分五綵畢竟非煙有時為雨惹情無奈道無心怎被歌聲遏斷遲遲向青天外宜伴先生醉臥得饒到和山須買也曾惱殺襄王誰道依前不會我欲棄歸去翻悵恨帝鄉何在念佳期未展天長暮合儘空相對

訴衷情

花前月下會鴛鴦分散兩情傷臨行祝付真意臂間皓齒留香還更毒又何妨儘成瘡瘡兒可後痕兒見在見後思量

滿江紅

懊惱平生奈天賦恩情太薄二三歲看伊受盡眼尖留角記得當初低耳畔是誰先有干飛約惟到今剗地誤盟言還先惡天眼見人難度天易感人難托人心險天又怎生捉摸莫問傷

人非與是手兒但把心兒托便不成厮守許多時乾休却

賀新郎

負你千行淚大都來一寸心兒萬般縈繫似恁愁煩那裏泊故自三年二歲為你後甘心顛顛終待說山盟海誓這恩情到此非容易拚做個久長計 緊要事須評議怕人人驚地知時怎生處置毒害心腸祇知是怕你生煩到底便莫待將人輕棄不是我多疑你被傍人賺後失圈

圓經一事長一智

好事近

喜氣擁門闌光動綺羅香陌行到紫薇花下悟身非凡客 不須朱粉汗天眞嫌怕太紅白留取黛眉淺處画章臺春色

眼兒嬌

連滄危觀暮江前幾醉使君遮少年俊氣會將

吟筆買斷江天 重來細把朋遊數回首一辛酸蘭城已老文園多病負此江山

簇水

長憶當初是他見我心先有一鈎纜下便引得魚兒開口好事重門深院寂寞黃昏後厮覷著一面兒酒 試攔就便把我得人意處閨子裏施纖手雲情雨意似十二巫山舊更向枕前言約許我長相守歡人也猶自眉頭皺

青杏兒

舊刻難破 醜奴兒非

最苦是離愁行坐裏只托心頭待要作個巫山夢孤衾展轉無眠到曉和夢都休 夢裏也無由誰敢望真個綢繆暫時不見渾閒事只愁柳絮楊花自來擺蕩難留

夏漏子

燭消紅窗送白冷落一衾寒色鴉喚起馬馳行月來衣上明 酒香唇粧印臂憶共個人人睡

魂蝶亂夢鸞孤知他睡也未

浣溪沙

一味風流一味香十分濃豔十分粧自然嬌態自然芳樓上好風樓下水雪前欄檻竹前窗也宜單著也宜雙

又

惻惻笙竿萬籟風陽關疊遍酒尊空相逢草草別匆匆滿眼淚珠和雨灑一襟愁緒抵秋濃相思今夜五雲東

漢宮春

講柳談花我從來口快歡說他家眼前見了無限楚女吳姬千停萬穩較量來終不如他便做得宮儀院體歌談不帶煙花從前萬事堪誇愛拈牋弄管錦字欹斜新來與人孺著不許胡巴豪懣護惹料福緣淺似地些誰為傳詩通曲慙勤題上窗紗

雨中花慢

帕子分香羅巾拭淚別來時未覓悽惶上得船兒來了剗地淒涼可惜花前月裏却成水遠山長做成恩愛如今贏得萬里千鄉情知這場寂寞不干你事傷我窮忙不道是久長活路終要稱量我則匆匆去知你且種種隨娘下梢睚徹有時笑你風光

柳梢青

小窗閒透雲鬢雜香肩肌假膝玉局無塵明瓊欲碎春纖同擲不爭百萬呼盧賭今夜鴛帷痛惜好忍馬兒若還輸了當甚則劇

玉團兒

鉛華淡矜新粧束好風韻天然異俗彼此知名雖然初見情分先熟爐煙淡淡雲屏曲睡半醒生香透肉賴得相逢若還虛度生世不足

南歌子

梅萼和霜曉梨花帶雪春玉肌瓊豔本無塵肯
把鉛華容易汚天真 湯餅嘗初罷羅巾拭轉
新幾回貪耍失黃昏月裏歸來無處覓精神

臨江仙

人在夢雲樓上別殘燈影裏遲留依稀綠慘夏
紅羞露痕雙臉溼山樣兩眉愁 幾幅片帆天
際去雲濤煙浪悠悠今宵獨立古江頭水腥魚
菜市風碎荻花舟

鷓鴣天

只有梅花似玉容雪窗月戶幾尊同見來怨服
明秋水欲去愁眉淡遠峯 山萬疊水千重一
雙蝴蝶夢能通都將淚作黃梅雨盡把情爲柳
絮風

又

小院深明別有天花能笑語柳能眠雪肌得酒
手中喚蓮步凌波分外妍 釵燕重髻荷偏兩

山料疊翠連娟朝雲無限杳春態算雨情知夏
可憐

浣溪沙

画角聲沉捲暮霞寒生促索錦屏遮沉檀半爇
髻堆鴉 蝴蝶夢回餘燭影子規啼處隔窗紗
夜深明月漫梨花

浪淘沙

簾捲露花容幾度相逢他知我意欲相通偏奈
天教多阻間積恨何窮 雲雨杳無蹤愁怕東
風時聞語笑恣歡濃惟有俺咱真分淺往事成
空

眼兒嬌

始與官妓往來中道相棄遂
以小字刺于臂間故作此詞

雲間藏一點飛鴉休把翠鈿遮二年三歲千擱
百就今日天涯 奴今有似風前絮飛入鄰人
家你還下得除非睡起不照菱花

如夢令

竹外半窺嬌面真個出塵體段沒處可偷伶空
恁眼穿腸斷休戀休戀只是與伊分淺

浣溪沙

閒理絲簧聽好音西樓剪燭夜深深半嗔半喜
此時心 煖語溫存無恙語酌開香靨笑吟吟
別來煩惱到如今

減字木蘭花

陽關唱徹斷盡離腸聲咽酒已三巡今夜王
孫是路人 此情難說莫負等閒風與月欲問
歸期來戴釵頭艾虎兒

又

半窗斜月茆店蕭條燈已滅床下蛩聲動淒
涼不忍聽 終宵無寐覆去翻來真箇是屈指
歸期應是梅花爛熳時

夜行船

送胡彥直歸
郡醉中作

短棹輕舟排辦了歌聲斷晚霞殘照紅蓼坡頭

綠楊堤外離恨知多少 別後莫教音信杳嘆
光陰自來堪笑画角譙門槐溪歸路正是楚天
曉

眼兒嬌

玉樓初見念奴嬌無處不妖嬈眼傳密意樽前
燭外怎不魂消 西風明月相逢夜枕簟正涼
宵帶人記得叮嚀殘漏且慢明朝

品令

黃昏時候請不語心如醉無眠凝想別來繡閣
多應顛顛上了燈兒知是睡哩坐哩 暮思歸
計又還是重屈指從今已後睽離千萬且休容
易這底恹惶你看是誰不是

柳梢青

甜言軟語長記那時蕭娘叮囑清筦危絃前歡
難繼鱗鴻無據 紛紛眼底浮花拈弄動幾多
思慮千結丁香且須珍重休胡分付

浣溪沙

金獸噴香瑞靄氛夜涼如水酒醺醺照人嬌眼
媚生春 我自愁多魂已斷不禁楚雨帶巫雲
人情又是一番新

又

坐看銷金煨帳中羔兒酒美獸煤紅淺斟低唱
好家風 愛客東君多解事晚粧新與画眉峯
便須催喚出房櫳

又

堆枕冠兒翡翠釵蒙金領子滿絳幘子中沉淨
好情懷 新浴晚涼梳洗罷半嬌微笑下堂來
蓮花因甚未曾開

臨江仙

天外濃雲雲外雨雨聲初上檐牙紅蕖應褪洗
粧花晚涼如有意霽霄到山家 為喚山童多
索酒金鍾細酌流霞暈生玉頰酒潮斜闌中無

寵辱醉裏是生涯

夜行船

送張希舜
歸南城

綠葢紅幢籠碧水魚跳處浪痕勻碎惜別慙勤
留連無計歌聲與淚和柔脆一葉扁舟煙浪裏
曲灘頭此情無際窈窕眉山暮霞紅處雨雲想
翠峰十二

浪淘沙

窈窕繡幃深窈窕娉婷梅花初試晚粧新柳夏
嬌癡年紀小冰雪精神 舉措忒輕盈歌徹新
聲柔腸魂斷不堪聽但恐巫山留不住飛作行
雲

如夢令

居士年來懶散凡事只從寬簡身外更無求祇
要夏涼冬煖美滿美滿得過何須積貯

卜算子

十載仰高明一見心相許來日孤舟西水門風

飽征帆腹 後夜起相思
明月清江曲 若見秋風寒
雁來能寄音書否

眼兒嬌

先來客路足傷悲
那更話別離
玉聰也解知人
欲去驥首頻嘶
馬蹄動是
三千里後會莫相違
切須更把丁香珍
重待我重期

惜香樂府卷八

惜香樂府卷九

總詞

南鄉子

楚楚窄衣裳腰身占却多少風光
笑說春來春去事淒涼
嬾對菱花暈曉粧
閒立近紅芳遊蜂戲蝶
悞採真香何事不歸巫峽
去思量故來塵世斷人腸

又

月轉水晶盤樓上初聞一鼓殘
又是去年天氣好攔干
風動梅梢玉鬪寒
無奈壯情闌對酒如何欲強歡
誰道破愁須仗酒君看酒到愁多破亦難

謁金門

和德遠

燈乍滅忽見一天明月恰舞霓裳
歌未歇露寒回絳闌
羽服明暉玉雪笑語輕叅環玦
香澤惱人情不徹夜長窗自白

又

和宗人
傷離索猶記竝肩池閣多病起來閒倚薄一秋
天氣惡玉臂都寬金約歌舞新來忘却回首
故人天一角半江楓又落

一剪梅

紅藕香殘碧樹秋羞解羅襦偷上蘭舟雲中誰
寄錦書來雁字回時月滿西樓花自飄零水
自流一種相思兩處閒愁酒醒夢斷數殘更舊
恨前歡總上心頭

點絳脣

雲鞦宮鬢淡黃衫子輕香透晚涼時候睡起新
粧就水枕生寒玉漫纖纖手沉吟久眉山欲
秀愛道奴家瘦

又

舊刻此首後有浣溪沙二首是毛東堂作今俱刪去

煙洗風梳司花先放江梅吐竹村沙路脉脉搖
寒雨醉鬼吟魂無着清香處愁如縷繫春不

住又折水枝去

菩薩蠻

江城風火連三月不堪對酒江亭別休作斷腸
聲老來無淚傾 風高帆影疾目送舟痕碧錦
字幾時來熏風無雁回

又

春山已蹙眉峰綠春心駘蕩難拘束惆悵爲春
傷惜花心更狂 對花深有意且向花前醉花
作有情香與人相久長

畫堂春

當時巧笑記相逢玉梅枝上玲瓏酒盃流處已
愁濃寒雁橫空 去程無計更從容到歸來好
事匆匆一時分付不言中此恨難窮

如夢令

寄蔡
堅老

居士年來病酒肉食百不宜口蒲合與波稜夏
着同蒿葱韭親手親手分送臥龍詩友

又

別恨眉尖無數後夜王孫何處歌館與粧樓目
斷行雲凝竚凝竚凝竚憶淡千行紅雨

菩薩蠻

隔江一帶春山好平林新綠春光老休去倚闌
干飛紅一忍看 東流何處去便是歸舟路芳
草外斜陽行人更斷腸

長相思

歛愁眉恨依依腸斷關情怨別離雲中過雁悲
瘦因誰病因誰屈指無言村後期此時人怎
知

柳梢青

瀟灑仙源天桃穠李曾對華筵歌媚驚塵舞鸞
低月滿勸金船 鑑湖煙水連天政婦棹紅粧
鬪妍花霧香中人詢居士切莫多傳

賀生辰

好事近

賀德遠

不羨八千椿不羨三偷桃客也不羨他龜鶴一
總爲凡物羨君恰似老人星長明無休息好
與中興賢主立維城勳績

朝中措

上錢知羣符生
管未如錄三首

南樓風物一番新春草界斯民豈但仁人愷弟
更兼政事如神人生最貴榮登五馬千里蒙
恩祇恐促歸廊廟去思有脚陽春

又

文章學業繼家聲名譽歷羣英早歲掀騰膺仕
如公富貴難并定膺丹詔朱輪迅召陶冶蒼
生自是鹽梅姿質佇看大手調羹

又

先生德行冠南豐錦繡作心胸暫屈徒勞州縣
文章後進宗工督郵綱紀才高幕府雅望尤
崇此去定膺光寵且須滿醉西東

念奴嬌

上張商
豐三日

桂華蟾魄到中秋祇有人聞一六浩渺清風因
喚起千里吹飛鴻鵠碧落翻花瑶空隱瑞聲節
琅玕筑板懷玉燕此時嘉慶重育始信石在
丹臺曠方八百子已三千熟麟脯靈瓜那夏有
瓊竿神仙醴醲秋水春山柳腰花面一醉霓裳
曲長生清淨自然何用辟穀

好事近

江上一江樓樓上遠山橫翠還夏腰金騎鶴引
竹西歌吹壽君春酒遣雙壺滿引見深意肯
向龜荷香裏喚儂來同醉

又

劔水霽歡聲喜慶聞生人傑一段恁恁佳氣扇
薰風時節今朝銀艾佐琴堂爭把壽香焚去
去鳳皇池上見龜巢連葉

柳長春

上董
倅

梅喜先春雁鷺未臘千門瑞氣浮周匝正當月
應上絃時長庚夢與良辰合 螺水恩農好江
德洽壽益勸處燃紅蠟明年此際祝遐齡賀賓
一一趨東閣

武陵春

宣和

又是新逢三五夜瑞氣霽氣萬萬點燈和月色
新桃李倍添春 花縣主人情息好行樂逐良
辰滿引千鍾酒又醉歌酌動梁塵

臨江仙

上祝

天祐炎圖生國瑞藍田暫屈英僚始知文宿降
璇霄中元前五日七夕後三朝 江敷風流臨
此政少年瀟灑奇標行看峻擢相熙朝功名前
覆契壽算等松喬

喜遷鶯

上魏

安雅

商飈輕透動簾幙飛梧亂飄庭甃瑞氣氤氳沉
檀初爇煙噴寶臺金獸黃花美酒天教占得先
惜香樂府卷九

惜香樂府卷十

拾遺

柳梢青

晴雪樓臺試燈簾
懷適是元宵羅綺嬌春帝城
風景今夜應饒
爭知我繫如匏便佳月良天
任教早閉柴門從他蕭鼓細打輕敲

賀新郎

世諦人多錯阿誰將虛名微利放教輕著萬事角

莫非前定了選甚微如飲酌算徒說龍韜豹畧

縱使龍頭安尺木更從教豹變生三角渾是夢

恍如昨吾廬自笑常虛廓對殘編磨穿枯硯

生涯微薄負郭田園能有幾隨分安貧守約要

不改簞瓢瀕樂西掖北扉終須到且朝風咏月

常相諠更要甚萬金藥

東坡引

舊說此首後有滿庭芳一首是山谷作今刪去

茅色無客至水硯凍寒泚南枝喜入新詩裏惱

人頻嚼蟲惱人頻嚼豈因思去臘江頭醉倚
動客興傷春意經年自嘆人如寄光陰如撚指
光陰如撚指

杏花天

乍涼浙浙風生暮人獨在朱欄翠閣吹簫信杳
爐香薄眉上新愁又覺從前事擬將拚却夢
不斷花梢柳夢一盃睡起誰同酌斜日陰陰轉

臨江仙

遠岫螺頭溼翠流霞頰尾疎明斷虹斜界雨新
晴煙村燈火晚江浦画難成我向其間泛葉
終朝露渚風汀老來心事最關情不堪三弄笛
吹作斷腸聲

輓繡毬

和康伯可韻

流水奏鳴琴風月淨天無星斗翠嵐堆裏蒼岩
深處滿林霜賦暗香凍了那禁頻嗅馬上再

三回首因記省去年時候十分全似邨人風韻
柔腰弄影水聰退做成清瘦

眼兒嬌

南枝消息杳然間寂莫倚離欄紫腰豔豔青腰
裊裊風月俱閒 佳人環珮玉欄珊作惡探花

還玉纖撚粟櫻唇呵粉愁點眉彎

菩薩蠻

日高猶戀珊瑚枕羞紅不忿花如錦雙燕運芹

泥燕婦人未歸 縱饒梳洗罷朱戶何曾跨寂

莫小房櫳回文和淚封

鷓鴣天

落魄東吳二十春風流詩句得清新今年却恨

花星照再見溫卿與遠真京口妓魁 趙季陳玉 分楚佩

染巫雲赤繩結得短花茵若非京口初相識安

得毘陵作故人

浪淘沙

綠樹轉鳴禽已是春深楊花庭院日陰陰簾外
飛來雙語燕不寄婦音 舊事懶追尋空惹芳
心天涯消息遠沉沉記得年時中酒後直至而
今

謁金門

春睡足簾捲翠屏山曲芳草浴堦橫地軸垂楊

相映綠 暗憶舊歡難續又是禁煙傳燭陌上

踏青新結束秋千誰笑促

侍香金童

一種春光占斷東君惜算穠李昭華爭竝得粉

膩酥融嬌欲滴端的尊前舊曾相識 向夜闌

酒醒霜濃寒又力但只與水姿添夜色繡幙銀

屏人寂寂只許劉郎暗傳消息

菩薩蠻

新晴庭戶春陰薄東風不度重簾幙第幾小蘭

房雛鷺初弄黃 悄寒春未透不解尋花柳只

恐漸春深愁生求友心

清平樂

紫簫聲斷窗底春愁亂試著春衫羞自看窄似
年時一半 一春長病厭厭新來愁病重添香
冷倦熏金鴨日高不捲珠簾

好事近

齒頰帶餘香齧咳總成珠玉剪碎袖羅花片點
金觥春綠 玉魚花露自清涼涓涓在郎腹猶
勝望梅消渴對文君眉蹙

思越人

向刻品
令誤

好事客宮商內吟得風清月白主人幸有豪家
意後堂熟有春色 花壓金翹俏相映酒滿玉
纖無力你若待我些兒酒儘喫得得得

武陵春

落了丹楓殘了菊秋色苦無多誰喚西風泣淚
羅吹恨入星河 碧枝頭上金粟關曾擁翠雲

窩重揉檀英憶兩娥無奈冷香何

長仲自號仙源居士蓋南堂宗室也不極志終年
獨安心風雅每遇花間鶯外舞騰詠自娛鄉貢進
士劉澤集其樂府以春景夏景秋景冬景及佳節
賀生辰補遺類編警為十卷雖未敢與南唐二主相
伯仲方之徽宗則迥出雲霄矣湖南毛晉識

惜香樂府卷十終

西樵語業

目錄

水調歌頭 七調

滿江紅 四調

瑞鶴仙 一調

賀新郎 二調

念奴嬌 二調

洞仙歌 二調

鵲橋仙 二調

蝶戀花 三調

千秋歲 一調

玉人歌 一調

點絳脣 二調

秦樓月 一調

浣溪沙 二調

桃源憶故人 一調

踏莎行 一調

減字木蘭花 一調

生查子 一調

柳梢青 一調

相見歡 一調

訴衷情 一調

西樵語業目錄

西樵語業

宋楊炎

水調歌頭 登多景樓

寒眼亂空闊客意不勝秋強呼斗酒發興特上
最高樓舒卷江山圖画應禽龍魚悲嘯不暇顧
詩愁風露巧欺客分冷入衣裘 忽醒然成感
慨望神州可憐報國無路空白一分頭都把平
生意氣只做如今顛顛歲晚若為謀此意仗江

月分付與沙鷗

又 呈辛陸興

杖屨寬春色行遍大江西訪花問柳都自無語
欲成谿不道七州三壘今歲五風十雨全是太
平時征轡晚樂月漁釣夜垂絲 詩書帥坐圍
玉麈揮犀與方不淺領袖風月過花期只恐梅
梢青子已露調羹消息金鼎待公歸回首滕王
閣空對落霞飛

又 送張使君

父老一盃酒爭勸使君畱可憐桃李千樹無語
送歸舟聽得拈笙玉指都把萬家遺愛吹作許
離愁倚醉袖紅溼生怕夕陽流 問君侯今幾
日到東州還家時候次第梅已暗香浮只恐道
間驛使先寄調羹消息歸去總無由禹鉉功名
了徐赴赤松遊

又 呈趙總領

買得一航月醉臥出長安平堤千里過盡揚柳
綠陰間依約曉鶯啼處認得南徐風物客夢恍
驚殘重到舊遊所知把画圖看 英雄事千古
意一凭闌惜今老矣無復健筆寫江山天上人
間知已賴有使星郎宿照映此塵寰準擬五湖
去為乞釣漁竿

又

把酒對斜日無語問西風胭脂何事都做顏色

染芙蓉放眼算江千頃中有離愁萬斛無處落
征鴻天在關千角人倚醉醒中 千萬里江南
北湖西東吾生如寄尙想三徑菊花叢誰是中
州豪傑借我五湖舟楫去作釣漁翁故國且回
首此意莫匆匆

又

一笛起城角吹破小梅愁東風猶未誰遣春信
到吾州聞德東來千騎鼓舞兒童竹馬和氣與
空浮桃李未陰處準擬種千頭 今太守宋人
物晉風流政成談笑不妨高興狂南樓只恐蓬
萊仙伯合侍玉皇香案難作寇恂問約住紫泥
認憑軾具優游

又

踏碎九街月棄醉出京華半生淘海誰念今日
老還家獨把瓦盆盛酒自與漁樵分席說尹政
聲佳竹馬望塵去倦客亦隨車 聽鶯風清曉

角韵楊花人家十萬說盡炎熱與咨嗟只恐棠
陰未滿已有楓宸趣召歸路不容遮回首江邊
柳空著舊棲鴉

滿江紅

春入臺門又見染柳絲新綠對此景一年爲壽
一番添福莫怪鳳池頒詔晚要教淮水恩波足
聽邊民千歲頌聲中重重祝 堂賞茂庭芝觀
歌倚扇盃持玉芙蓉君一醉滿斟醞醞今夜東
風吹酒醒明朝萬里騎黃鶴向九霞光裏望宸
輝看除目

又

筆染相思暗題盡未門白壁動離思春生遠岸
煙銷殘日楊柳結成羅帶恨海棠染就胭脂色
想深情幽怨繡屏間雙鸞鴛 春水綠春山碧
花有恨酒無力對一奩愁思九分孤寂寸寸錦
腸渾欲斷盈盈玉淚應偷滴倚東風吹雁過江

南傳消息

又壽孫

壽酒如澠拚一醉勸君休惜君不記濟河津畔
當年今夕萬丈文章光焰裏一星飛墮從南極
便御風葉輿入京華班卿棘君不是長唐白
又不是嚴陵客只應是明主夢中良弼好把袖
間經濟手如今去補天西北等瑤池侍宴夜歸
時騎箕翼

又

典卷春衣也應是京華倦客都不記麴塵香霽
西湖南陌兒女別時和淚拜牽衣曾問婦時節
到婦來稚子已成陰空頭白功名事雲霄隔
英雄伴東南拆對雞豚社酒依然鄉國三徑不
成陶令隱一區未有楊雄宅問漁樵學作老生
涯從今日

瑞鶴仙

元夕為王使君賦

風光開舊眼正梅雪初消柳絲新染樓臺競裝

點照金荷十里珠簾齊捲湘絃楚管動香風旌

旗影轉望雲間一點台星飛下洞天清晚爭

看袖紅圍坐舞翠回春笑歌生聵歡聲正遠嬉

遊意未容懶恐絲綸趣召清都仙伯歸去朝天

夜半倩邴人挽取鰲頭醉扶玉腕

賀新郎

十日狂風雨掃園林紅香萬點送春歸去獨有

荼蘼開未到留得一分春住早楊柳趁晴飛絮

可奈曉埃欺畫永試薄羅衫子輕如霧驚舊恨

到眉宇東風臺榭知何處問燕鶯如今尚有

春光幾許可殺一年遊賞倦放得無情露釀為

喚取扇歌語舞乞得風光還兩眼待為君滿把

金盃舉扶醉玉伴揮塵

又寄辛

潭州

夢裏鷓鴣望蓬萊不遠翻然被風吹去吹到

楚樓煙月上不記人間何處但疑是蓬壺別所
縹緲霓裳天女隊奉一仙滿把流霞舉如喚我
醉中舞 醉醒夢覺知何許問瀟湘今日誰與
主盟樽俎無限青春難老意擬倩管絃寄與待
新築沙堤穩步萬里雲霄都歷偏却依前流水
桃源路畱此筆爲君賦

念奴嬌

漢天雲靜望一星飛過湘南湘北當是郴山猿
鶴夢喚起日邊消息羽扇綸巾浩然棄輿此意
無人識扁舟千里但聞清夜橫笛 記得天上
人間去年今日曾作緝觴客明月風煙依舊似
只覺蓬萊懸隔夏恐明朝韶黃飛下趣駕冲霄
翼袞衣劔屨望公長拄南極

又

杏花楊柳對東風染盡一年春色彈壓煙光三
萬頃誰識清都仙伯夜泛銀潢手移星緯飛墮

從天闕御風棄輿偶然身到鄉國 二年人樂
昇平舞臺歌榭處處紅牙拍壽酒千觴斟不盡
一醉何妨今夕夏約明年鳳皇池上去作稱觴
客梅花折得贈君調鼎消息

洞仙歌

芙蓉開了春未江梅透小小東風弄晴晝把萬
家和氣吹入笙歌爐薰裏都與慈闈做壽 黃
堂今日貴自著萊衣捧勸金船十分酒願從今
江海上日日韶華桃李逕總爲人間種就但看
取天邊老人星有一點台星共光南斗

又
壽菴

帶湖佳處髮髯真蓬島曾對金樽伴芳草見桃
花流水別是春風笙歌裏誰信東君會老 功
名都莫問總是神仙買斷風光鎮長好但如今
經國手袖裏偷閒天不管怎得闔河事了待貌
取精神上凌煙却旋買扁舟歸來聞早

鵲橋仙

思婦時節乍寒天氣總是離人愁緒夜來無奈
被西風夏吹做一簾秋雨 征衫拂淚關千倚
醉羞對黃花無語寄書除是雁來時又只恐書
成雁去

又

書稼軒

築成臺榭種成花柳夏又教成歌舞不知誰為
帶湖仙收拾盡壺天風露 閒中得味酒中得
趣只空天還也妬青山縱買萬千重遮不斷詔
又還裝點人情緒

書來路

蝶戀花

別意南伯

離恨做成春夜雨添得春江剗地東流去弱柳
繫船都不住為君愁絕聽鳴榔 君到南徐芳
艸渡想得尋春依舊當年路後夜獨憐回首處
千百歲總是中書考瑤池會金盤刺薦安期東

亂山遮隔無重數

又稼軒坐間作首句用丘六書中語

點檢笙歌多釀酒不放東風獨自迷楊柳院院

翠陰停永晝曲欄隨處堪垂手 昨日解醒今

夕又消得情懷長被春倂僊門外馬嘶人去後

亂紅不管花消瘦

又

萬點飛花愁似雨峭殺輕寒不會留春住滿地

亂紅風掃聚只教燕子啣將去 獨倚闌干閒

自覩深院無人行到無情處簾外絲絲楊柳舞

又還裝點人情緒

千秋歲

代人為壽

五雲縹緲朝退金門曉歸未穩傳宣到龍樓陪

夕宴鳳沼吟春草人間世誰知自有蓬萊島

一盃宜勸了換得天顏笑人不老春長好從今

千百歲總是中書考瑤池會金盤刺薦安期東

玉人歌

風西起又老盡籬花寒輕香細漫題紅葉句裏

意誰會長天不恨江南遠苦恨無書寄最相思

浣溪沙

盤橘千枚贈鱸十尾 鴻雁阻歸計算愁滿離

楊柳籠煙裊嫩黃桃花蘸水染紅香薄羅衫子

腸十分豈止倦倚闌干顧影在天際凌煙圖畫

日初長 飲盡東風三百盞醉來愁斷幾回腸

青山約總是浮生事判從今買取朝醒夕醉

故人獨自遣風光

點絳脣

又

邂逅開尊眼中有個人纖軟袖羅輕轉玉腕回

三迥閒情傲落霞五湖高興不浮家自斟北斗

春煖 韵處無多只惱人腸斷詞將半近前相

浸丹砂 闕把胃中千澗壑換成醉處一生涯

勸撲撲清香滿

雪樓風月築崗花

又 送別洪

桃源憶故人

水載離懷算帆吹月寒欺酒楚梅春透忍放持

尊前未語肩先皺只把橫波斜溜此意問春知

盃手 莫唱陽關免溼盈盈袖君行後邨人消

否蝶困蜂兒瘦 睡暎呷丁些來酒越會把人

瘦不惱詩腸否

僻憊有箇約伊時候夢裏來相就

秦樓月

踏莎行

東風寂垂楊舞困春無力春無力落紅不管杏

宿鶯棲身飛鴻點淚不堪更重陽到一襟無

花狼籍 斷腸芳艸萋萋碧新來怪底相思極

處著淒涼倚欄看盡斜陽倒 瘦減難豐悲傷

相思極冷煙池館又將寒食

易老淡鶻消得黃花笑畫眉人去玉筵存濃愁

如黛憑誰掃

減字木蘭花

月明如畫占斷小樓侯把酒入眼人人如月精神夏有情 大家休睡畱到天明和月醉生怕醒來月到波心憶酒媒

生查子

金蓮照夜紅玉腕扶春碧曲妙遇雲行人好欺花色 歡生酒面濃笑染爐香溼飲盡十玻璃月墮東方白

柳梢青

生紫衫兒影金領子著得偏宜步穩金蓮香巖紈扇舞轉花枝 棒五夏著謎賸唱一箇新行要詞玉骨冰肌好天良夜怎不憐伊

相見歡

江湖萬里征鴻再相逢多少風煙摸狂笑談中歌裙醉羅中淚別愁濃瘦減腰圍不礙帶金

重

訴衷情

露珠點點欲團霜分冷與紗窗錦書不到腸斷煙水隔茫茫 征燕盡寒鴻翔盼風檣闌干曲處又是一番倚盡斜陽

止濟首虞陵人也亦憊乃清海府城西山名相去數百里或曰曾流寓于此因以石集今亦無傳但其詩業一卷後逸可喜不作狀體情態雅非詞家能品其品之間一可想見云湖南毛晉藏

西樵語業

終

